

## *JEHOVAH-JIRE* <sup>1</sup>

 Ndao isika hijanona hitsangana vetivety fotsiny raha manondrika ny lohantsika ho an'ny tonom-bavaka iray isika. Raha manondrika ny lohantsika isika, dia manontany aho izao hariva izao hoe firy no te-ho tsarovana ao amin'ny vavaka, manana zavatra ao am-ponareo izay tianareo hataon'Andriamanitra ho anareo, atsangano fotsiny ny tānanareo. Ny Tompo anie hanaiky an'ireo fangatahana ireo ankehitriny raha manondrika ny lohantsika sy ny fontsika eo Anatrehany isika.

<sup>2</sup> Ry Rainay any An-danitra, manatona Ny Seza fiandrianan'ny Fahasoavanao indray izahay, amin'ny Anaran'i Jesosy Kristy, ilay Zanak'Andriamanitra lehibe. Misaotra Anao izahay nohon'ny fanararaotra ahatongavana miaraka amin'ny antoka fa handre Ianao ary hamaly an'izay angatahanay. Mivavaka izahay, Ray, mba Hamelanao ny fahotanay, izany hoe, ny tsi-finoanay. Ary, Ray, mivavaka izahay mba Hanomezanao anay finoana, habetsahan'ny finoana izao hariva izao. Ary Ianao no mahafantatra an'izay ao ambadiky ny tānana tsirairay eo, ao amin'ny fo ambany. Nila zavatra izy ireo, Tompo. Nanangana ny tānany am-panajana izy ireo, manantena zavatra avy Aminao. Ka mivavaka aho, Ray An-danitra, na inona na inona izany, mba ho ekena ho an'ny olona.

<sup>3</sup> Misaotra Anao izahay nohon'ny famangiana omaly hariva. Mivavaka izahay mba Hiverenanao aminay izao hariva izao miaraka amin'ny habetsahan'ny hery sy fahasoavana, ka hanaiky ho anay an'ireo fanirian'ny fonay, satria, marina tokoa fa ny fanirianay dia ny hanao Ny Sitraponao ary hahita Ny Sitraponao natao. Ary fantatray hoe inona Ny Sitraponao mikasika ny marary, hoe efa nokapohina Ianao nanerana ny Lamosinao ho an'ny fahasitrananay, "Tamin'ireo Dian-kapony no nahasitranana anay." Ary, Ray, mivavaka izahay mba—mba hatao anie Ny Sitraponao lehibe izao hariva izao, mba hanome anay finoana hinoana an'izany, amin'ny habetsahana, mba ho sitrana ny olona marary tsirairay, ary ny olona tsirairay izay very mba hahatsiaro fa Izy dia nolefonina nohon'ny fahotanay. Ekeo izany, Tompo.

<sup>4</sup> Enga anie izy ireo hahafantatra fa raha mbola misy foana ny—ny Fanatitra feno rà iray Any ho azy ireo, dia tsy mety ho hitan'Andriamanitra ny fahotan'izy ireo. Fa raha ho faty tsy nanao fiaikena am-pahibemaso an'Izany izy ireo ka nanaiky an'Izany, ary nateraka indray, dia tsy hisy fomba mihitsy hany hidiran'izy ireo ao amin'ny Fanjakana. Ka enga anie ity no ho hariva izay ahafahan'ny olona tsirairay eo ambanin'ny Rà

hitsofoka haingana ao ambanin'ny Rà izao hariva izao, amin'ny Anaran'ny Tompo Jesosy. Ary hatolotray Anao ny dera. Amena.

<sup>5</sup> Tena tombontsoa lehibe ny tonga eto izao hariva izao ka hiresaka indray. Ary tena nanana fotoana iray mahafinaritra isika omaly hariva, ny famangian'ny Tompo. Saingy nihazona anareo tara loatra aho. Tsy mety mahavita an'ilay izy arapotoana mihitsy aho, na ahoana na ahoana.

<sup>6</sup> Somary nahazo kely masoandro betsaka loatra androany. Izaho dia... Ny zanakolahy kely, Joseph, dia nanaraka ahy nandeha nilomano. Noho izany ilay toerana izay ipetrahanay dia nanana dobo kely, somary voafefy tany, ka hoy izy hoe, "Avia, jereo aho, ry dada. Mahay milomano aho."

Hoy aho hoe, "Eny àry."

<sup>7</sup> Nandeha tany aho aninkeo maraina, nitondra ny Baiboliko, ary vitsivitsy... nanoratra naoty vitsivitsy. Ary raha teo am-pianarana aho, izy... indro izy tonga nanao an'ireo akanjo keliny fitondra mandro, hoy izy hoe, "Jereo aho, ry dada, mahay mitsoraka aho!" Eny, raha mba nahita sahona iray nitsambikina tao anaty rano aho! Dia niakatra izy, nifantsitsitra nivoaka avy tao amin'ny orony sy ny vavany ny rano, hoy izy hoe, "Ahoana no nataoko?"

Hoy aho hoe, "Manao tsara ianao."

<sup>8</sup> Ary nieritreritra fotsiny aho fa indray mandeha dia nilaza an'ilay zavatra iray ihany tamin'ny dadako aho. Kamory tranainy kely iray, talohan'ny nahatongavanay teo amin'ilay renirano, dia nisy kamory iray teo, ary saiky tsy maintsy manala an'ilay lomotra maitso hiala aminy izahay ankizy, ary izahay dia... tsy lalina mihoatra ny enina inches ny rano. Dia nanohy niteny tamin'i dadako aho hoe, "Mahay milomano aho."

<sup>9</sup> Noho izany indray Alahady tolakandro dia nandeha teo izy. Ary nanana boatin-tsavony kely iray izy ireo nipetraka teo. Dia nandeha tao ambadiky ny kirihiitra aho ary nanala ny akanjoko, izay tokony nesorina; misintona fantsika anankiray fotsiny, fantatrareo. Ary firy no efa mba nahita anankiray tahaka an'izany? Hitako. Nanao salopety iray fotsiny, tsy nisy beritelo; manana ko-kofehy bozaka roa fotsiny mifanapaka, ho fihazonana iray, ary avy eo dia fantsika iray fotsiny. Sintonina fotsiny ilay fantsika dia, izay ihany no tokony hataonareo, mitsofoka ao anatiny avy hatrany. Ary noho izany dia niakatra teo ambonin'io boaty io aho ary nihazona ny oroko, fantatrareo, ary nitsoraka tao anatin'izany, ka nanidina ny fotaka saiky tahaka an'izao ny haavony. Nipetraka teo ny dadako, nandinika ahy. Hoy aho hoe, "Manao ahoana aho?"

<sup>10</sup> Hoy izy, "Mivoaha avy ao ary mandehana ianao mandro!" Nieritreritra aho hoe efa hafiriana izany!

<sup>11</sup> Ary, fantatrareo, mandositra antsika fotsiny ny fotoana, sa tsy izany? Tsy manam-potoana fotsiny isika, toa tahaka an'izany, intsony, hanaovana zavatra. Ary tsy miandry na iza na iza ny fotoana. Noho izany dia tsy maintsy miasa isika raha mbola afaka, satria ho tonga ny ora izay hahalasa an'ity taranaka ity, ka ho tonga ny taranaka iray hafa, raha misy taranaka iray hafa. Am-pahamarinana, milaza an'izany amin'ny foko rehetra aho, (tsy fantattro hoe rahoviana Izy no ho tonga; tsy misy anankiray amintsika mahafantatra), fa, marina tokoa, tsy mino aho fa hisy taranaka iray hafa. Mino aho fa ho tonga ao amin'ity taranaka ity Kristy. Tsy fantattro hoe fotoana inona, ankehitriny, mety ho izao hariva izao izany na mety ho folo taona manomboka izao, na roapolo, saingy mino aho fa ho avy ao amin'ity taranaka ity Izy. Mino an'izany aho. Raha tsy tonga Izy, dia te-hiaina fotsiny aho toy ny hoe efa tonga Izy, na ahoana na ahoana, satria fantattro fa izao no mety ho androko farany, na ny andronareo farany.

<sup>12</sup> Ary noho izany, tsarovy, raha lasa alohan'ny Ahatongavany isika, dia hiakatra isika ary ho ao amin'Ny Fanatrehany, na, hitsangana alohan'ny hiovan'ireo hafa. "Hotsofina ny trompetran'ny Tompo, ny maty ao amin'i Kristy no hitsangana aloha. Avy eo dia isika izay velona ka mitoetra no hovaina ao anatin'ny fotoana iray, ao anatin'ny indray mipi-maso, ary hakarina miaraka amin'izy ireo, hitsena ny Tompo eny amin'ny habakabaka." Jereo ilay lamin'ny fitsanganana. Hitanareo, fantatr'Andriamanitra fa maniry fatratra ny hahita an'ireo malalantsika isika. Ary raha tonga any isika hihaona Aminy aloha, dia hijery manodidina isika hahita raha tany i neny na i dada ary ny sisa amin'izy ireo. Fa hitanareo ve hoe ahoana, ny Fanahy Masina ao amin'ny Fahendreny? Hihaona isika aloha, ary avy eo rehefa tonga any isika ka hihira ny *Fahasoavana Mahagaga*, amin'izay vao hisy fotoana iray an'ny fanompoana. Mihevitra ve ianareo fa mihetsika hafahafa aho ankehitriny, diniho aho Any ambony any! Ho fotoana iray mahafinaritra ho ahy sy ho antsika rehetra izany rehefa tonga Any isika.

<sup>13</sup> Ndao isika ankehitriny hamaky vitsivitsy avy amin'ny Baiboly tranaindy voatahy eto izao hariva izao. Ndao isika hamadika ao amin'ny Romana, ny toko faha-4, ary hamaky ampahany iray fotsiny avy ao amin'ny Bokin'ny Romana. Tiako ny hamaky toerana roa izao hariva izao, avy ao amin'ny Genesisy ary avy ao amin'ny Bokin'ny Romana. Ankehitriny ao amin'ny Bokin'ny Romana, toko faha-4, andininy faha-17.

*(Araka ny voasoratra hoe, Nataoko ho rain'ny firenena maro ianao,) teo anatrehan'izay ninoany, dia Andriamanitra, izay mamelembelona ny maty, sy miantso an'ireo zavatra izay tsy misy ho toy ny misy.*

*Izay tsy nisy fanantenana fa nino ny fanantenana, mba ho lasa rain'ny firenena maro izy; araka ny voasoratra hoe, Ho tahaka an'izany ny taranakao.*

*Ary satria tsy nailemy finoana, dia tsy nihevitra ny tenany manokana ho maty izy ankehitriny, rehefa tokony ho zato taona izy, na koa...ny fahafatesan'ny kibon'i Saraha:*

*Tsy niahahanhana ny amin'ny teny fikasan'Andriamanitra tamin'ny tsi-finoana izy; fa nahery tamin'ny finoana, nanome voninahitra an'Andriamanitra;*

*Ary resy lahatra tanteraka fa, izay nampanantenainy, dia hainy hatao koa.*

*Ary noho izany dia nisaina ho fahamarinany izany.*

*Ankehitriny dia tsy nosoratana ho azy irevy izany, hoe nisaina ho azy izany;*

*Fa ho antsika koa, izay hanisana an'izany, raha mino an'izay nanangana an'i Jesosy Tomponsika tamin'ny maty isika;*

*Izay natolotra nohon'ny fahadisoantsika, ary natsangana indray ho an'ny fanamarinana antsika.*

<sup>14</sup> Oh, toy ny ahoana no itiavako an'Izany! Izany no anankiray amin'ireo vakin'ny Soratry ny Baiboly tiako indrindra, satria tena pozitifa ny amin'ny maha-Andriamanitra izany, izay Nampanantenainy sy nianianany fa Hataony. Ary nifidy an'ity lohahevitra ity aho ankehitriny satria dia mieritreritra aho fa amin'ny favoriana rehetra, ny mahita an'ilay finoana izay hitantsika nampiharina teto omaly hariva, hoe tsy nisy olona iray nailemy teto anivotsika ka tsy sitrana. Inona no nahatongavan'ny herin'Andriamanitra ary inona no Nataony! Avy eo dia nieritreritra aho, hoe raha afaka manorina zavatra pozitifa isika, manao ny—zava-bitia iray ho an'ny tanjona iray, amin'izay fotoana izay dia ho tsara tarehy toy ny ahoana izany rehefa afaka hahatratra an'io hariva lehibe io isika na ny ora faratampony.

<sup>15</sup> Ary tsy maintsy mahatsiaro isika fa tsy misy na inona na inona afaka ho vita raha tsy misy finoana, sady tsy maintsy voaaiky aloha izany. Satria Izy no—Izy no Mpao ny finoana, fantatsika izany, ka tsy misy na inona na inona afaka hatao raha tsy misy finoana. Ary raha tsy misy finoana dia tsy azo atao ny hahafaly an'Andriamanitra.

<sup>16</sup> Ary ankehitriny dia Izy no Mpisoronabe an'ny fiaikentsika. Ankehitriny ny—ny King James eto, ao amin'ny Bokin'ny Hebreo, dia mametraka an'izany ho "filazana." Ny milaza sy miaiky dia ilay zavatra iray ihany, milaza sy miaiky. *Miaiky* dia midika hoe "milaza an'ilay zavatra iray ihany": "Amin'ireo Dian-kapony dia sitrana aho," hitanareo, "Ankehitriny amin'Ny Ainy dia voavonjy aho" Ary noho izany ankehitriny, voalohany, tsy maintsy miaiky an'izany isika; ary mipetraka ho Mpanelanelana

iray Izy, dia ilay Mpanelanelana tokana eo amin'Andriamanitra sy ny olona, ary mipetraka eo Izy manao fanelanelanana eo amin'izay iaikentsika fa efa Nataony. Inona ny—zavatra iray matanjaka, mafy toy ny inona izany!

<sup>17</sup> Ary ankehitriny dia te-hamaky Soratra iray hafa aho, hita ao amin'ny Bokin'ny—ny Genesisy, ny toko faha-22, ary ndao isika hanomboka hamaky eo amin'ny andininy faha-7.

*Ary Isaka niteny tamin'i Abrahama rainy, ka nanao hoe, Ry ikaky: dia hoy izy hoe, Inty aho, anaka. Ary hoy izy hoe, Indro ny afo sy ny hazo: fa aiza ny zanak'ondry ho an'ny fanatitra dorana?*

*Dia hoy Abrahama hoe, Anaka, Andriamanitra no hanomana ny zanak'ondry ho an'ny fanatitra dorana: koa dia niara-nandeha izy roa.*

*Dia tonga teo amin'ny toerana izay notenenin'Andriamanitra taminy izy ireo; ary nanorina alitara teo i Abrahama, sy nandahatra ny kitay, ary namatotra an'i Isaka zanany, ka nametraka azy teo ambonin'ny—teo amin'ny alitara teo ambonin'ny kitay.*

*Ary naninjitra ny tanany Abrahama, ka nandray ny antsy mba hamonoany ny zanany.*

*Fa niantso azy ilay anjelin'ny Tompo tany an-danitra, ka nanao hoe, Abrahama, Abrahama: dia hoy izy hoe, Inty aho.*

*Dia hoy izy hoe, Aza mametraka ny tananao eo amin'ny zazalahy, ary aza manao na inona na inona aminy koa: fa fantattro ankehitriny fa ianao—fa ianao dia matahotra an'Andriamanitra, ka hitako fa ianao... dia tsy niaro ny zanakaolahy tokana tamiko.*

*Dia nampiandranda ny masonry i Abrahama...ka indro nisy ondrilahy iray taoriany voasangazotry ny kirihi trala tamin'ny tandrony: dia lasa i Abrahama ka naka an'ilay ondrilahy, ary nanolotra azy teo ambonin'ny...ambony ho fanatitra dorana solon'ny zanany.*

*Ary i Abrahama dia niantso ny anaran'ilay toerana hoe, Jehovah-jire: araka ny ilazana azy hatramin'ity andro ity hoe, Any an-tendrombohitry ny Tompo no hahitana azy.*

<sup>18</sup> Ny tiako itondrana ny lohahevitra eo, raha hantsoina hoe lohahevitra iray ilay izy, Jehovah-Jire, ilay teny dia midika hoe "ny Tompo no hanomana fanatitra iray ho an'ny Tenany." Raha tsy manana anankiray Izy, dia afaka manomana anankiray Izy. Tena mankasitraka aho ny amin'izany. Ankehitriny ity lohahevitra lehibe ity! Ary mamaky eo ankehitriny, hoe "Abrahama dia tsy niahahanhana tamin'ny

teny fikasana tamin'ny tsi-finoana; fa nahery, nanome dera ho an'Andriamanitra."

<sup>19</sup> Ankehitriny, Abrahama no anankiray izay nanaovan'Andriamanitra ny fanekena sy ny teny fikasana; ary Abrahama, tsy izy irey ihany, fa ny Taranany manaraka azy, "Abrahama sy ny Taranany." Ary ankehitriny dia tsarovy ity ankehitriny. Raha maty ao amin'i Kristy isika, dia Taranak'i Abrahama isika raha nateraka indray. Ankehitriny, aoka isika ho tena hitandrina tsara mikasika an'ity ankehitriny raha mianatra an'ity lesona ity isika. Ary ankehitriny raha hihaino tsara ianareo, dia azoko antoka fa hanambara aminareo ny Fanahy Masina. Ho takatrareo ilay fanantenana, ary amin'izay fotoana izay dia hanazava an'ity tanàna ity izany sy ny zavatra rehetra manodidina anareo, raha maka ny fotoantsika fotsiny isika ka mahatakatra an'ilay hevitra, izay ezahan'ny Fanahy Masina hatolotra antsika. Ankehitriny, Abrahama, nantsoina, izay nomena ny teny fikasana, ho an'i Abrahama sy ny Taranany.

<sup>20</sup> Ankehitriny dia misy betsaka amin'izao andro izao, ry sakaiza, izay antsoina hoe Kristianisma, izay tsy Kristianisma.

<sup>21</sup> Ankehitriny, halako fotsiny ny milaza an'ity. Fa aleoko ve hitsangana eto ka ho tena malaza eo anivon'ny olona, ary—ary ny olona rehetra mikapokapoka anareo ao amin'ny lamosinareo, sy ny zavatra rehetra tahaka an'izany. Nefa avy eo dia tsy maintsy hihaina amin'io vondrona io amin'ny Fitsarana, hanao tatitra ny amin'izany. Noho izany aho—tsy maintsy mahitsy fo fotsiny aho.

<sup>22</sup> Ankehitriny dia afaka mijery eo amin'ireo fiangonana isika, ary eo amin'izao tontolo izao androany, eo amin'izay antsoina hoe Kristianisma, ka mahita fa any amin'ny iray tapitrisa lavitry ny Kristianisma ilay izy. Ary voalaza mialoha ao amin'ny Baiboly fa ho tahaka an'izany ilay izy. Ankehitriny dia maro no manaiky an'i Kristy amin'ny fomba filazana hoe, "Eny, mino Azy aho." Nahoana, ny devoly dia mino an'ilay zavatra iray ihany. Hitanareo? Ary maro amin'izy ireo no miezaka manaiky an'izany eo amin'ny fientanam-po, manao hoe, "Eny, niteny tamin'ny fiteny tsy fantatra aho. Nandihy tao amin'ny Fanahy aho." Efa nahita mpampianatra mpamosavy nanao an'ilay zavatra iray ihany aho, sy ireo mpandihin'ny devoly tany Afrika; azo antoka, miteny amin'ny fiteny tsy fantatra, sy misotro rà avy ao amin'ny karandohan'olombelona iray, ary miantsosy ny devoly. Indiana ny reniko, Indiana tapany, ary—ary ny havany. Efa nahita azy ireo naka pensily aho ka nametraka an'izany tahaka an'izao, ary nandinika pensily iray nandeha ka nanoratra fiteny tsy fantatra, nitsangana teo izy ireo ary nandika an'izany, miantsosy ny devoly. Azo antoka. Hitanareo, tsy afaka mandeha araka ny fientanam-po ianareo. Hitanareo, ny fiainanareo izay iainanareo no manambara ny maha-izy anareo. Hitanareo? Tsy mamparinona na karazana fahatsapana inona, tsy afaka

mametraka ny Kristianisma eo ambonin'ny fahatsapana iray ianareo.

<sup>23</sup> Fiainana iray izany! Hoy Jesosy hoe, “Amin’ny voany no hahafantaranareo azy ireny.” Tsy amin’ny filazan’izy ireo, tsy amin’izay lazain’izy ireo. Ary hoy koa Jesosy hoe, “Ianareo manatona Ahy amin’ny molotrareo, fa ny fonareo dia lavitra Ahy.” Izany no, izany no filazan’izy ireo. Hitanareo, ny fiainanareo no miteny hoe inona. Ary raha milaza ny olona iray fa mino an’Andriamanitra, nefà mandà Teny anankiray an’ity Baiboly ity, na manova an’Izany amin’ny fomba rehetra, nahoana fa tsy maintsy ho diso izany.

<sup>24</sup> Hoy ianareo hoe, “Tsy manao fahasamihafana izany mikasika an’ireo zavatra kely ireo.” Tena manao tokoa izany.

<sup>25</sup> Teny kely anankiray no nitondra antsika tao anatin’ity olana rehetra ity; tsy hoe tsy mino an’Izany, fa diso fametraka an’Izany fotsiny. Navelan’i Eva fotsiny i Satana mba han... hanome azy fandanjalanjana iray fotsiny. Tany amin’i Rahalahy Williams, vao avy niresaka an’izany mihitsy aho tany Santa Maria. Izany ilay zavatra izay namoaka antsika avy tao amin’ny sahan’i Edena, ka nahatonga ny ankizy marary rehetra. Tahaka, nivavaka ho an’ny zaza kely iray sembana ara-batana aho nandry tao, fotoana vitsy lasa izay, teo am-pidirana. Inona no nahatonga an’izany? Satria tsy hoe tsy nino an’Izany mihitsy i Eva, fa naka fandanjalanjana iray fotsiny izy, fa ho tsara ilay izy ka ho mety tsara izany. Ary izany no nahatonga ny fahafatesana, ny aretina rehetra, ny alahelo rehetra, ny aretim-po rehetra. Ary ahoana no hiverenantsika? Raha izany no nahatonga—raha izany no nahatonga enina arivo taonan’izany, dia ahoana no hiverenantsika miaraka amin’ny zavatra kely noho ny Teny rehetra tanteraka arak’izay nanoratana Azy?

<sup>26</sup> Ny devoly no nandresy tamin’ny ady tamin’ny taranak’olombelona tamin’ny alàlan’ny fandanjalanjana tamin’ny taranak’olombelona. Nandanjalanja fotsiny hoe, “Nahoana, mila lanjalanjaina ilay izy hoe ho inona ity? Mila lanjalanjaina ilay izy.” Raha mifanohitra amin’ny Teny ny fandanjalanjana, amin’izay fotoana izay dia diso ny fandanjalanjana! Ny Teny no marina, arak’izay nanoratana Azy fotsiny! Aza mametraka fandikana manokana. Lazao fotsiny araka ny nanoratana Azy Izy, ka minoa Azy tahaka an’izany. Hitanareo? Andriamanitra no nikarakara Azy. Arak’izay natao haha-izy Azy marina tokoa Izy, noho izany dia ndao isika hino Azy tahaka an’izany fotsiny.

<sup>27</sup> Ankehitriny, izany no Teny, ny Teny rehetra! Ny rehetra... Ny Fanahy Masina ao anatin’ny olona iray; ny fehezan-teny tsirairay an’ny Baiboly, ny Fanahy Masina ao anatinareo no hanisy tsindrim-peo amin’ny “ameña,” satria ny Fanahy Masina no nanoratra ny Baiboly. Ary raha Izy no ao anatinareo, dia

ahoana no Ahafahany hanao hoe, “Eny, ho an’ny taona iray hafa Izany, Izany dia ho an’ity, na Izany dia ho an’itsy”? Ahoana no Ahafahany hilaza an’izany nefà ho ny Fanahy Masina ao anatinareo? Tsy afaka manao an’izany. Tsy maintsy manao “amena” amin’Izany Izy!

<sup>28</sup> Ankehitriny, araka ny nolazaiko indray andro, ny zavatra voalohany nomen’Andriamanitra ny Olony, mba hampahatanjaka azy ireo, dia ny Teny. Ary tsy niova mihitsy Izy. Tsy afaka miova Izy. Ankehitriny, tsy hety ireo fanekempinoana, tsy hety ireo anaram-pianganana, tsy hety ny fianarana, tsy ny iray amin’ireo zavatra ireo, ny tsirairay avy amin’izy ireo dia tsy nahomby manontolo ary tsy hahomby. Zavatra tokana ihany no hety, izany dia ny Teny.

<sup>29</sup> Ary ny fomba tokana ahafahantsika manatona ny Teny, dia amin’ny alàlan’ny Rà. Ny toerana tokana izay hany nivavahan’ny olona rehetra tamin’Andriamanitra, dia ny tsy maintsy tonga teo ambanin’ny Rà. Tsy misy fanomanana hafa mihitsy. Tsy afaka ho tonga eo ambanin’ny anaran’ny Metodista ianareo, tsy afaka ho tonga eo ambanin’ny anaran’ny Pentekosta ianareo, tsy afaka ho tonga eo ambanin’ny anaran’ny Katolika ianareo. Misy roa ambin’ny folo ireo fianganana Katolika, samihafa, ny iray samihafa amin’ilay iray hafa, ny Ortodoksa, sy Grika, ary Romana, ary nisaraka mihitsy tahaka ny Protestanta izy ireo. Ireo Protestanta, Metodista, Batista, Presbyterana, Loterana, Katolika, oh, ny rehetra, karazany samihafa daholo izy ireo. Ary eo izy ireo, hitanareo. Fa misy toerana iray ho an’ny fiombonana, izany dia eo ambanin’ny Rà! Ary ny Rà no Aina, ary hifanaraka amin’ny Teny isan’andro izany, miaraka amin’ny Teny isan’andro.

<sup>30</sup> Ankehitriny, fantatsika fa ny aina dia ao amin’ny fananahana lahy, ao anatin’ny rà izany, ilay hemoglobina. Avy eo no ahafahan’ny akohovavy manatody, saingy raha tsy efa niaraka tamin’ny vorona lahy izy, dia tsy ho foy mihitsy izany. Izany tokoa, tsy lonaka ilay izy. Tahaka an’izany no nananako, nanaovako filazana maro henjana, nilaza fa ny vorona vavy iray dia afaka mametraka akany iray feno atody, ary afaka ho mahatoky amin’izy ireo arak’izay tiany izy, afaka manomba azy ireo izy, ary niaraka amin’ny elany, dia mamadika azy ireo isaky ny minitra vitsy mba hahazoan’izy ireo antoka fa ho foy. Ary—ary ho tena noana izy, sy mifady hanina, raha mbola eo ambonin’ilay akany, ho mahatoky amin’ireo atody ireo, mandrapahatongany ho tena mampalahelo ka tsy afaka hanidina hiala amin’ilay akany izy. Raha tsy niaraka tamin’ny vorona lahy izy, ka lonaka ireo atody ireo, dia hipetraka mihitsy ao anatin’ny akany izy ireo ary ho lò raha tsy niaraka tamin’ny sakaizany izy. Marina tokoa izany.

<sup>31</sup> Ary saiky tahaka an’izany no ananan’ireo fianganantsika, nampiditra andiana iray fotsiny teo ambanin’ny filazana ara-

pototra mangatsiaka, dihy mahagaga iray na fahatsapana. Ary inona no ataon'izy ireo? Tsy mino ny Teny, hany ka manana akany iray feno atody lò fotsiny isika. Izao no fotoana hanadiovana ny akany ary hanombohana indray. Mandrapiditr'izy ireo amin'ny fifandraisana amin'ilay Lahy, Kristy Jesosy, ka ateraky ny Teny indray. Amin'izay fotoana izay dia tsy maintsy foy izy ireo, satria izany no Aina.

<sup>32</sup> Indray andro lasa aho dia nisakafo niaraka tamin'ny—ny mpitory teny Metodista antitra iray, ary reko nandeha Ilay Ora Fambolena avy tany—avy tany Louisville, ny 4-H Club no niresaka, hoe “Nanana milina iray izy ireo izay afaka mamokatra voan-katsaka iray mitovy amin'izay ambolen'izy ireo eny an-tsaha mihitsy.” Hoy izy, “Hanao an'ilay karazana koban-katsaka iray ihany izany, ilay karazana mofo katsaka iray ihany, ilay katsaka iray ihany fotsiny ilay izy. Tapaho tahaka an’izao ilay izy, apetraho eo ambanin’ny hazavana, ento mankany amin’ny trano fandinhana; ao amin’ny toerana tsara ny fony, sy ny zavatra rehetra, ary ilay habetsahana hamandoana iray ihany, kalsiôma, potasy, na inona na inona ao amin'ilay katsaka dia mipetraka marina tokoa.” Hoy izy, “Raha mba naka eran’ny tànana avy tao amin'ilay gony ianareo izay nambolena teny an-tsaha, ary ilay gony izay amboarin'ilay milina, na namboariny, ka afangaronareo izy ireo, dia tsy afaka hilaza fahasamihafana mihitsy ianareo amin’ny masonareo araboajanahary, na manasaraka azy, na ny siansa rehetra dia tsy afaka nahita ny fahasamihafana mihitsy. Fa ny fomba tokana ahafahanareo hiteny an'ilay fahasamihafana dia aleveno izy ireo.” Izany no miteny azy.

<sup>33</sup> Mety hitovy amin’ny Kristiana iray ny olona iray, mety mihetsika tahaka ny Kristiana iray izy, mety maka tahaka Kristiana iray izy, saingy raha tsy manana an'ilay tsimok'Aina izy ao anatiny ao, dia tsy afaka hitsangana indray izy; tsy maintsy manana an'io tsimok'Aina io ao anatiny ao, manana Fainana Mandrakizay.

<sup>34</sup> Ary ny olona rehetra izay nianatra teny Grika, dia mahafantatra fa io “Mandrakizay” io dia avy amin’ny teny hoe Zoe, izay midika hoe “Ain’Andriamanitra Manokana,” ka lasa Ampahany; tahaka anareo ampanhan’ny rainareo. Lasa ampanhan’Andriamanitra ianareo. Ary ny Ain’Andriamanitra Manokana dia voazara ary napetraka tao anatinareo, ka tsy mety maty Izany, satria Mandrakizay Izany. Ny zavatra rehetra izay manomboka, dia mifarana; fa tsy nanomboka mihitsy Izzy, noho izany dia tsy mety mifarana Izzy. Mandrakizay Izzy, ary Mandrakizay miaraka Aminy ianareo. Tsy mety maty intsony tahaka Azy tsy mety maty, satria lasa Ampahany ianareo. Naterany ianareo. Amena. Raha manohy miresaka mikasika an’izany fotsiny, dia tsy ho tonga eto amin’ity lesona ity mihitsy aho.

<sup>35</sup> Oh, tena faly aho fa Kristiana iray! Izaho—izaho—izaho—tsy hifanakalo toerana amin'iza na iza eto amin'izao tontolo izao aho, tsy filoha, mpanjaka. Raha homen'izy ireo ahy izao tontolo rehetra izao, atao hoe afaka ny velona iray tapitrisa taona aho; aorian'izany dia ho faty aho, aorian'ireo taona antapitrisany. Fa ankehitriny, ny iray tapitrisa taona, nahoana, tsy ho tsinontsinona izany ankehitriny, manohy velona fotsiny isika, tsy misy fahafatesana. Noho izany dia tsara ny ho Kristiana iray!

<sup>36</sup> Niresaka ny amin'i Abrahama aho! Ndao isika hiverina. Ankehitriny dia Taranak'i Abrahama isika raha ao amin'i Kristy. Ary noho izany raha Taranak'i Abrahama ianareo, dia manana an'ilay finoana iray ihany izay nananan'i Abrahama, satria ny finoany no resahantsika. Indrindra ato amin'ny fiangonana ankehitriny, izany ilay Taranaka mpanjaka an'i Abrahama. Nisy taranaka roa an'i Abrahama. Ny anankiray tamin'izy ireo dia ilay ara-boajanahary, Isaka; ilay Anankiray hafa dia Kristy, ilay teny fikasana. Noho izany tamin'ny alàlan'i Isaka, dia voatahy Isiraely; tamin'ny alàlan'i Kristy, dia lasa rain'ny firenena izy. Hitanareo? Noho izany ilay Taranaka mpanjaka, ho lehibe lavitra noho ilay taranaka araboajanaharin'i Abrahama toy ny ahoana izany. Noho izany raha ao amin'i Kristy ianareo, dia manana Taranaka ambony iray, ambony noho i Abrahama, satria tonga tamin'ny alàlan'ilay Taranaka mpanjaka ianareo, Kristy. Raha maty ao amin'i Kristy ianareo, amin'izay fotoana izay dia zanak'i Abrahama ianareo, ary manana ny Voan'i Abrahama sy ny finoan'i Abrahama. Ary ny finoan'i Abrahama dia tao amin'ny Tenin'Andriamanitra tsy nampaninona izay niseho. Niantso an'ireo zavatra izay tsy nisy ho toy ny nisy izy, satria Andriamanitra no niteny an'izany. Teny fikasana iray toy ny inona!

<sup>37</sup> Ndao isika ankehitriny hiverina kely ka hampifototra an'ireo eritreritsika. Ndao isika hiverina amin'i, alohan'ny ahatongavantsika eo amin'ny Jehovah-Jire, amin'i Abrahama. Ndao isika hiverina, hiverina kely any aoriana ao amin'ny Soratra. Ndao isika hiverina any amin'ny toko faha-12. Namaky isika teto tao amin'ny toko faha-22. Ndao isika hiverina any amin'ny toko faha-12, ilay fanekena natao tamin'i Abrahama. Ankehitriny, ilay fanekena, efa nisy telo...fanekena roa.

<sup>38</sup> Ankehitriny, Andriamanitra dia tanteraka ao amin'ny telo. Fantatsika ireo fanisan'Andriamanitra. Fahatanerahana, ao amin'ny telo; fivavahana, ao amin'ny fito; sy roa ambin'ny folo; ary efapolo, dia fakam-panahy; dimampolo, dia Jobily; sy ny sisa, Andriamanitra ao amin'Ny—ao amin'ny Fanisany. Ankehitriny, Andriamanitra dia tanteraka ao amin'ny telo; tahaka ny Ray, Zanaka, Fanahy Masina; fanamarinana, fanamasinana, batisan'ny Fanahy Masina; sy ny sisa.

<sup>39</sup> Ankehitriny, efa nisy fanekena roa. Ny iray tamin'izy ireo dia ny faneken'i Adama. Nanao fanekena tamin'ny olona

Andriamanitra hoe, "Raha hanao ianareo, Izaho dia hanao." Ary nosimbainy izany. Avy eo dia nanao fanekena iray tamin'i Noa Andriamanitra; izany ilay faneken'i Noa, ary nosimbaina izany.

<sup>40</sup> Ankehitriny dia manao fanekena Abrahamika Izy. Ary ny fanekena Abrahamika, araka ny Genesisy ny toko faha-12, izany dia nomena tsy nisy fepetra. Noho izany dia Mandrakizay izany, satria tsy nisy fepetra. Tsy hoe "Raha hanao ianao, dia hanao Aho." Hoy Izy hoe, "Izaho dia efa! Efa Nataoko ilay izy." Tsy hoe "Izaho dia hanao an'ilay izy." "Izaho dia efa nanao an'ilay izy!" Izany no, oh, izany, izany no fototry ny finoana. Hitanareo, tsy hoe... Tapa-kevitra Andriamanitra fa hamony ny olona. Nanao fanekena iray Izy hoe, "Raha hanao ianareo, dia hanao Aho," nosimbainy izany. Ny anankiray hafa, "Hanao ianao, dia hanao Aho," nosimbainy izany. Tsy afaka mihazona ny fanekeny ny olona, noho izany dia namonjy ny olona tamin'ny alàlan'ny Fahasoavany Andriamanitra, teo ambanin'ny fanekena izay tsy nisy fepetra, fanekena tsy nisy fepetra. Oh, oadray! Tsy misy farany mihitsy, izay ihany ny amin'izany; telo, tanteraka. Noa, Abrahama, ary ny tiako lazaina... Tsia. Adama, Noa, ary Abrahama. Ankehitriny, izany no antony maha-zanak'i Abrahama antsika, tsy mety mifarana io fanekena io, tsy hifarana mihitsy, satria tsy misy fepetra izany. Ilay izy tsy... Ilay izy tsy hoe satria *ianareo* no manao zavatra iray; ilay izy dia satria Andriamanitra no nanao zavatra iray! Tsy hoe satria ianareo no nifidy an'Andriamanitra; Andriamanitra no nifidy anareo! Mino an'izany ve ianareo?

<sup>41</sup> Hoy ny olona hoe, "Oh, Rahalahy Branham, nitady an'Andriamanitra aho ary nitady an'Andriamanitra!" Fa tsy nitady ianareo! Halako ny miteny an'izany aminareo, saingy tsy nitady ianareo. Andriamanitra no nitady anareo. Andriamanitra no nikaroka anareo.

<sup>42</sup> Hoy Jesosy hoe, "Tsy ianareo no nifidy Ahy; Izaho no nifidy anareo. Tsy misy olona mahay manatona Ahy raha tsy Ny Raiko no mitarika azy, ary izay rehetra nomen'ny Ray Ahy no hanatona Ahy." Ankehitriny, hitanareo, tsy izany ilay izy. Tsy misy olona afaka mirehareha amin'ny inona na inona. Andriamanitra izany! Oh, mahafinaritra toy ny ahoana ny mahita an'ilay—ilay tena fahasoavan'Andriamanitra, ahoana ilay izy!

<sup>43</sup> Nefa ahoana fa noraisin'ny olona ny Hafatry ny fahasoavana ka nanaovany henatra avy amin'Izany! Tahaka ny fiangonako sarobidy sy ianareo olona Batista sarobidy, rehefa lotoinareo tahaka an'izany ny fahasoavana, dia tena ataonareo ao anatin'ny loto iray marina tokoa ilay izy.

<sup>44</sup> Nilaza tamiko ny olona iray vao tsy ela akory izay, nanao hoe, "Rahalahy Branham, ankehitriny dia fantatrao fa efa Batista tsara iray ianao."

Hoy aho hoe, “Mbola mahatsapa an’izany foana aho, saingy niakatra avo kely kokoa fotsiny.”

<sup>45</sup> Hoy izy hoe, “Eny, jereo ankehitriny,” hoy izy, “Abrahama dia nino an’Andriamanitra, ary nisaina ho fahamarinany izany. Inona no mbola azon’i Abrahama natao afa-tsy ny mino?” Dia hoy izy hoe, “Rehefa mino an’Andriamanitra isika, dia mandray ny Fanahy Masina.”

<sup>46</sup> Hoy aho hoe, “Hafa amin’i Masindahy Paoly toy ny ahoana! Nilaza i Masindahy Paoly, ao amin’ny Asa 19 hoe, ‘Efa noraisinareo ve ny Fanahy Masina fony vao nino ianareo?’ Tsy hoe *rehefa* nino ianareo; ‘fony’ vao nino ianareo!”

<sup>47</sup> Hoy izy hoe, “Eny, nino an’Andriamanitra i Abrahama, izay ihany no azony natao.”

<sup>48</sup> Hoy aho hoe, “Marina. Saingy avy eo dia nanome azy ny baikon’ny famoràna Andriamanitra, ho fanamarinana iray fa Noraisiny ny finoany.”

<sup>49</sup> Ary raha mbola tsy namora anareo tamin’ny alàlan’ny Fanahy Masina mihitsy Izy, dia tsy mbola nandray ny finoanareo Izy. Marina izany. Izany dia ny famoràna ny fo sy fanahy. Manome ny Fanahy Masina Andriamanitra ho fanamarinana fa nandray ny finoanareo Izy. Ankehitriny, raha mijanona tsy mino ianareo, ka miady hevitra manerana; fa minoa an’Andriamanitra fotsiny, dia hamora an’io fo io Andriamanitra. Ary izany no manaisotra ny tsi-finoana rehetra, mamora an’izao tontolo izao sy ny tsi-finoana rehetra hiala aminareo; ary avy eo dia mitsangana ianareo, ny Teny irery ihany. Hoy Jesosy hoe, “Raha mitoetra ato Amiko ianareo, ka Ny Teniko ao anatinareo; dia angataho izay tianareo, homena anareo izany.”

<sup>50</sup> Izany ilay olana amin’ny fiangonana amin’izao andro izao. Eo ambanin’ny fientanam-po izy, eo ambanin’ny fianarana izy, eo ambanin’ny fanekem-pinoana izy. Tsy mahagaga, sempotra izy! Hitanareo? Noho izany dia mila famoràna iray isika, hanaisotra an’ilay zavatra manontolo. Miverena amin’Andriamanitra sy Ny Teniny, ka minoa an’Izany araka ny nanoratana Azy eo, ary aza miady hevitra amin’Izany. Mijanòna amin’Izany fotsiny. Andriamanitra no nanao teny fikasana iray, mihazona ny Fampanantenany Andriamanitra. Tsy afaka manao na inona na inona hafa afa-tsy ny mihazona ny Fampanantenany Izy, ka hijanona ho Andriamanitra.

<sup>51</sup> Ankehitriny io fanekena tsy misy fepetra io. Tsy hoe “raha hanao ianao, dia hanao Aho, fa hanao Aho any aoriania,” na zavatra tahaka an’izany; “efa Nomeko anao ilay tany, sy ny Taranakao manaraka anao!” Amena. Hitanareo, efa vita ilay izy! Asa vita iray izany.

<sup>52</sup> Hoy ianareo hoe, “Ho an’i Abrahama no Nanaovany an’izany.” Eny, tsy i Abrahama irery ihany, fa ny Taranany manaraka azy.

<sup>53</sup> Ary raha Taranak'i Abrahama isika, dia vokatra vita iray izany. "Ireo izay Fantany mialoha, no Nantsoiny; ireo izay Nantsoiny, no Nohamarininy; ireo izay Nohamarininy, no efa Nomeny voninahitra." Inona no atahoranareo? Marina izany. "Ary ilay antikristy, amin'ny andro farany," araka ny Apokalypsy, "dia namitaka ny rehetra izay nonina teto ambonin'ny tany, ireo izay tsy nanana ny anarany voasoratra tao amin'ny Bokin'ny Fiainan'ny Zanak'ondry" (hatramin'ilay fifohazana farany ve? Tsia) "talohan'ny fanorenana an'izao tontolo izao." Tamin'izany no napetraka tao amin'ny Bokin'ny Fiainan'ny Zanak'ondry ny anaranareo, rehefa voavono ilay Zanak'ondry. Niteny ny Teny Andriamanitra; tao amin'ny Fisainany Izany, tao amin'ny Eritreriny, niteny ny Teny Izy ka nitranga tamin'izany fotoana izany mihitsy ny zavatra rehetra. Izany no Voan'Andriamanitra lasa mivaingana, izay ihany, Ny Teniny midina. Ankehitriny, rehefa manjelatra manerana an'io ny Hazavan'Andriamanitra, dia haingana mihitsy no ahafantararan'io Taranaka io an'Izany, satria naterak'Andriamanitra Izany. Izany no Taranak'i Abrahama, fantatr'Andriamanitra mialoha. Izany no antony anjelaran'ilay Hazavana, dia ny hahatratra an'io Taranaka io. Raha izany . . .

<sup>54</sup> Nanana fifohazana iray isika. Joela no nilaza. Mifamaly betsaka mikasika ny fara-orana isika, nanana hetsika nantsoina hoe "fara-orana," fara-orana, voalohan'orana, orana antenatenany, orana ivelany. Namaky aho indray andro. Fantatrareo ve hoe inona no dikan'ny *voalohan'orana* amin'ny teny Hebreo? Tsy afaka mintso azy aho izao ankehitriny izao; tsy nosoratako mihitsy ilay izy, niala tao an-tsaiko ilay izy. Fa ny *voalohan'orana*, ny orana voalohany, dia midika hoe "oran'ny fampianaranana." Ny orana faharoa dia ny Fanahy izay tonga eo amin'izay nampianarina, ary mamokatra vokatra. Nahoana isika no nanana fifohazana iray tahaka an'izany? Pentekotista, Batista, mamoaka ny tsimony ireo hazo hafa rehetra, araka ny nolazain'i Jesosy fa ho izany izy ireo. Ary inona no fointsika? Ireo Batista dia milaza fa izy ireo "dia manana iray tapitrisa amboniny tamin'ny '44." Jereo ny Katolika, toy ny ahoana no itomboan'izy ireo. Jereo ireo anaram-piagonana rehetra. Jereo ny Pentekosta. Inona no nataontsika? Namafy voa ara-anaram-piagonana isika, dia nijinja vokatra ara-anaram-piagonana. Nahoana, tokony hirehitra ho an'Andriamanitra ny fiagonana izao ankehitriny izao, raha nisy voan'ny Teny voafafy tany aoriana tany, ary ho nisy famantarana, fahagagana, zavamahagaga, ary ho niaraka io fiagonana io, iray fo, iray saina, ary mandeha mankany Ziona, ho an'ny Fampakarana. Marina izany. Inona no nataontsika? Nanana kabary ara-tsaina isika raha tokony ho ny Teny. Nandanjalanja nanohitra ny Teny isika, sy ny zavatra hafa rehetra.

<sup>55</sup> Tokony hiverina amin'ny Teny isika. Tokony . . . Hataontsika

izany! Hoy Andriamanitra hoe, "Izaho no hamerina, hoy ny Tompo, an'ireo taona rehetra izay nohanin'ny valalavao sy ny kijeja." Hamony izany amin'ny andro hariva. Hisy anankiray hivoaka miaraka amin'ny Hafatra iray, izy no hamerina an'ireo fo, na ny finoan'ny zanaka hiverina ho amin'ny Finoan'ireo ray. Izy no nampanantena ao amin'ny Malakia 4, fa Izy no hanao an'izany, hamerina azy ireo indray.

<sup>56</sup> Ankehitriny, tsy Elia izay noresahana ao amin'ny Baiboly izany; hoy Jesosy ao amin'ny Matio 11 hoe, "Raha mety mandray azy ianareo, dia i Jaona teo no ilay Elias izay ho tonga," an'ny Malakia 3. "Indro, maniraka ny Irako eo Anatrehako Aho," Malakia 3, hitanareo izany.

<sup>57</sup> Fa tsarovy, ny Malakia 4, ilay Hafatra dia tonga hoe, "Ho avy ilay Andron'ny Tompo mahatahotra ka handoro ny tany manontolo, ary ny marina handeha eo ambonin'ny lavenon'ny ratsy fanahy." Tsy mbola nitranga mihitsy izany taorian'i Jaona. Tsia, raha izany no izy, amin'izay fotoana izay dia nahavery ny Fihazonany ny Soratra, nilaza zavatra izay tsy marina Izy. Nanana roa arivo taona isika hatramin'izany, tsy mbola nodorana izao tontolo izao hatramin'izany, tsia mihitsy. Ny marina koa tsy mbola nandeha teo ambonin'ny—ny lavenon'ny ratsy fanahy. Fa mbola miandry foana an'io zavatra izay haka ny Finoana io isika, ary hamerina ny finoan'ny zanaka hankany amin'ilay Hazo pentekotista tany am-boalo'hany izay nohanin'ny valalavao, ny valalavao Romana, sompanga. Ny anaram-piagonan'izy ireo sy ny fanekek-pinoany no nihinana an'Izany. Hoy Andriamanitra hoe, "Izaho no hamerina an'Izany indray, amin'ny andro farany." Ary ho tafaverina Izany! Handefa ny Fanahy Masina amin'ny fomba iray Andriamanitra, eo amin'ny Teny nambolena, izay hamerina. Ny Tenin'Andriamanitra dia Voa iray izay nivoahan'ny mpamafy iray mba hafafy.

<sup>58</sup> Ankehitriny, nomena tsy nisy fepetra ilay fanekena! Ankehitriny, Isiraely, ilay taranaka ara-boajanahary dia nanakalo an'izany, ary nahavery an'izany tao amin'ny Eksodosy 19, rehefa nanao an'io zava-dratsy nanaisotra ny fahasoavana io izy ireo, ka nanaiky ny lalàna ho eo amin'ny toerany. Fahadisoana ratsy toy ny inona no nataon'ny Isiraely teo!

<sup>59</sup> Jereo! Andriamanitra, rehefa avy nanao ny fanekena tamin'i Abrahama Izy, dia efa nanomana mpaminany-mpanafaka iray ho azy ireo Andriamanitra tany Egypta, mba hahatanteraka ny tenin'Abrahama. Tsarovy i Mosesy, teo ambanin'ilay kirihitra, hoy Andriamanitra hoe, "Reko ny antsoantson'ny Oloko, ary Tsaroako ny Fampanantenako." Talohan'ny nisian'ny lalàna, dia ny fahasoavana no nanomana an'izany. Nanomana fanatittra iray ho an'ny fahamelohan'izy ireo ny fahasoavana, zanak'ondry iray. Nanomana faneke na iray ny fahasoavana, famoràna, efa nomanina, talohan'ny lalàna. Nanomana Andry Afo iray hitarika azy ireo ny fahasoavana, nanaraka mpaminany iray,

fiarovana iray hoe niteny ny Fahamarinana tamin'izy ireo ilay mpaminany, izany no Teny izay noresahany. Fantatr'izy ireo fa Andriamanitra no nampanantena an'izany, ary teo ilay Andry Afo nanamarina an'izany. Fiarovana roa toy ny inona! Amena. Ny fahasoavana no nanao an'izany!

<sup>60</sup> Fa nila zavatra izay azon'izy ireo natao tamin'ny alàlan'ny tenany izy ireo, nanana an'ireo fanekem-pinoany sy anarampiangonany manokana, ary inona koa, manao Fariseo, Sadoseo, ary zavatra izay azon'izy ireo atao tamin'ny tenany.

<sup>61</sup> Miezaka mamonjy ny tenany foana ny olona. Tsy afaka manao an'izany ianareo! Andriamanitra no efa nanao an'izany. Mila manaiky an'izany sy mino an'izany fotsiny ianareo.

<sup>62</sup> Andry Afo mba hitarika azy ireo sy hitari-dàlana azy ireo, hitarika azy ireo ao amin'ny Lâlana iray. Hery iray, ny fahasoavana no nanomana Hery iray hanameloka ny fahavalon'izy ireo ka hanao azy ireo ho afaka. Efa nomena ilay Hery. Niampita ny Ranomasina Mena izy ireo. Namely an'i Farao izy ireo. Tamin'ny fahasoavana no nanaovan'izy ireo an'ireo zavatra rehetra ireo. Nefa avy eo dia natakalon'izy ireo lalàna ny fahasoavana, saingy tsy nisy nidiran'ilay Taranaka mpanjaka an'i Abrahama tamin'izany.

<sup>63</sup> Niezaka nanao an'ilay zavatra iray ihany ilay Taranaka mpanjaka, niverina teo ambanin'ny karazana fanekem-pinoana iray raha tokony nandray ny fahasoavana sy ny Teny, ary nino an'Izany. Niverina. Fa ho avy ny Taranaka mpanjaka iray; ho tonga eo amin'izany isika afaka kelikely, aoriania kely.

<sup>64</sup> Ndao isika hiverina any amin'ny Genesisy 12 ankehitriny. Niantso an'i Abrahama nohon'ny fahasoavana Andriamanitra. Tsy satria hoe olona hafa iray izy; Abrahama fotsiny izy, olona tsotra iray fotsiny. Tsy satria hoe mpisorona iray na manankaja iray izy; mpiompy iray fotsiny izy. Nidina avy tany amin'ny tanànan'ny—an'ny Tilikambon'i Babylona izy, niaraka tamin'ny rainy, ary nandeha nankany Kaldea izy ireo, Oran'i Kaldea. Ary, tany, dia mpiompy iray izy, angamba nanao fiompiana tamin'ny andro atoandro ary namboly ny sakafony. Nanambady ny isan'ny anabaviny izy, Saraha. Ary tsy nanan-janaka izy ireo, ary dimy amby fitopolo taona i Abrahama rehefa niantso azy Andriamanitra, ary Saraha dia dimy amby enimpolo taona.

<sup>65</sup> Ary niteny tamin'i Abrahama Andriamanitra rehefa niantso azy Izy, hoy Izy hoe, "Hataoko rain'ny firenena ianao," ary hanome azy zazakely iray avy amin'i Saraha. Ankehitriny, momba izy. Ary izy dia, eny, dimy amby enimpolo taona, efa nihoatra folo na dimy ambin'ny folo taonan'ny fitsaha-jaza izy. Efa niaina niaraka taminy hatramin'izy enina ambin'ny folo na valo ambin'ny folo taona izy, isan'ny anabaviny. Ary, izy ireo, efa vady iray ho azy izy nandrity'reeo taona rehetra ireo mandrapaha-dimy amby fitopolo taona azy, ary dimy amby enimpolo

taona izy, ary avy eo dia midina Andriamanitra ka nanao hoe, “Hanome anao zazakely iray Aho, amin’ny alàlany.” Ary tsy nianahanhana tamin’ny teny fikasan’Andriamanitra izy, fa nino an’izany!

<sup>66</sup> Azonareo eritreretina ve ny lehilahy antitra, dimy amby fitopolo taona, sy vehivavy iray, dimy amby enimpolo, mandeha, mangovitra, nankany amin’ny dokotera, ka nanao hoe, “Dokotera, tiako ianao hanao an’ilay hopitaly ho vonona ankehitriny. Mety hiantso anao amin’ny alina rehetra izahay, satria, fantatrao, hahazo zazakely iray izahay”?

<sup>67</sup> Hilaza ilay dokotera hoe, “Hia, eny, tompoko, ianao dia... Ah, ah, ah!” Vantany vao mandray ny telefona izy ireo, manao hoe, “Tsaratsara kokoa ny manara-maso azy, misy zavatra tsy mety ao.”

<sup>68</sup> Ary ny olona rehetra izay mandray an’Andriamanitra amin’ny Fampanantenany dia noheverina, arak’izao tontolo izao hoe, “adala.” Hoy i Paoly hoe, “Eo amin’izay antsoina hoe ‘fivadiam-pinoana,’ dia tahaka an’izany no anompoako an’ilay Andriamanitr’ireo razantsika.” *Fivadiam-pinoana* dia “adala,” fantatsika. Fahadalana izany ho an’ilay fisainana ara-nofo. Ny finoana dia adala ho an’ny olona rehetra afa-tsysty Andriamanitra sy ilay manana ny finoana. Marina izany.

<sup>69</sup> Fa Andriamanitra no nampanantena an’i Abrahama, ka nino an’izany i Abrahama. Tsy nilaza mihitsy izy hoe, “Andriamanitra, ahoana no hisian’izany?” Hoy izy hoe, “Eny ary, Andriamanitra, mino an’izany aho.” Ary toa hitako izy mandeha mody, manao hoe, “Saraha, ndao isika handeha ka hividy lamban-jaza yards maromaro, sy hividy paingotra vitsivitsy ho antsika, ary hividy kiraro kely vitsivitsy ho antsika. Hahazo zazakely iray isika.” Oh, oadray!

<sup>70</sup> Lasa ireo telopolo andro voalohany, na valo amby roapolo andro. “Ahoana no tsapanao, malala?”

“Tsy misy fahasamihafana.”

“Isaorana Andriamanitra, ho azontsika ilay izy, na ahoana na ahoana!”

“Ahoana no ahafantaranao?”

“Andriamanitra no niteny an’izany!”

<sup>71</sup> Ny sasany amintsika mety nivavahana indray hariva, ary mipetraka ao amin’ny favoriana izay nilatsahan’ny Fanahy Masina; ary ny ampitso maraina, raha tsy salama isika, tsara, matanjaka, “Izaho—mbola marary kely aho ao amin’ny vavoniko. Tsy afaka manetsika ny tåñako intsony aho.” Ianareo, Taranak’i Abrahama, tsy mianahanhana amin’ny teny fikasan’Andriamanitra amin’ny tsi-finoana ve?

<sup>72</sup> Misy zavatra miseho ao am-piagonana, ny devoly dia afaka ho tonga eo anivon’ny—ny vondron’olona mahafinaritra iray ary

miditra ao ka tonga hikaravasy an'io fiangonana io, ny zavatra voalohany fantatrareo, hoy ny anankiray hoe, "Hah, hialako io Zavatra tranainy io, tsy misy na inona na inona amin'Izany eo am-panombohana." Taranak'i Abrahama? Oadray, oadray! Ny kilema kely voalohany izay azon'ny devoly aseho anareo, avy eo ianareo, leo an'Izany ianareo. Izany no naneho fa tsy nino an'Izany ianareo teo am-panombohana.

<sup>73</sup> Hoy Jesosy hoe, "Ny Fanjakana dia tahaka ny lehilahy iray izay nitondra harato, ary nandeha nankany an-dranomasina ka nanipy tao amin'ny ranomasina. Rehefa tonga izy, dia nahazo ny zavatra rehetra." Marina izany.

<sup>74</sup> Izany no—izany no azon'ny fifohazana iray. Inona no ao anatin'ilay harato? Mahazo sahona ianareo, hala, sokatra, orambato, bibilava, ary trondro. Tsy tena ela akory dia hoy ilay sokatra hoe, "Eny, tsy toerana ho ahy ity," miverina avy hatrany ao amin'ilay fotaka izy. Nijery ilay halan-drano antitra, ka nanao hoe, "Ah! Tsy afaka mahazo lalaon-karatra aho eto." Noho izany dia mandeha ao amin'ilay fotaka indray izy, tahaka ny kisoa mankeo amin'ny fotany sy alika mankeo amin'ny lòany. Marina izany. Nefa avy eo ve dia Taranak'i Abrahama? Oh, oadray! Fahafaham-baraka iray toy ny inona!

Ny Taranak'i Abrahama dia mino ny Tenin'Andriamanitra!

<sup>75</sup> Mipetraka ery aoriana ery ianareo ka manao hoe, "Hia, isaorana Andriamanitra, Pentekotista aho!" Ary mitory zavatra iray eo amin'ny Teny ny olona iray, voasoratra eo mihitsy Izany. "Haleloia, tsy mino an'Izany aho. Tsia, tompoko." Taranak'i Abrahama ve? Hah!

<sup>76</sup> Ankehitriny, raha hadalana iray ilay izy, mazava ho azy, dia aza mino an'izany. Fa raha Izany no Teny, dia Izany no Fahamarinana! Marina izany. Mihaizona an'ity Teny ity ny Taranak'i Abrahama ary tsy misy na inona na inona hafa.

<sup>77</sup> Lasa ny volana iray hafa. "Saraha, malalan'ny fo, ahoana no tsapanao ankehitriny? Fantatralo, lasa ny valo amby roapolo andro iray hafa, ahoana no tsapanao?"

"Tsy misy fahasamihafana, malala."

<sup>78</sup> "Voninahitra ho an'Andriamanitra! Fahagagana roa volana lehibe kokoa noho izany ilay izy raha nitranga tamin'ny volana lasa izany."

Lasa ny taona iray. "Hariako ve ireto kiraro kely ireto?"

<sup>79</sup> "Tsia, tompoko, tehirizo ao izy ireo. Hahazo an'io zazakely io isika!"

"Ahoana no ahafantaranao fa ho azonao izany?"

"Andriamanitra no niteny an'izany! Milamina hatreо izany."

Rehefa lasa ny dimy amby roapolo taona. "Ahoana no tsapanao, ry Saraha?"

“Tsy misy fahasamihafana.”

<sup>80</sup> “Voninahitra ho an’Andriamanitra! Dimy amby roapolo taonan’ny fahagagana ambonimy izany ankehitriny!” Tsy niahahanhana tamin’ny teny fikasan’Andriamanitra tamin’ny tsi-finoana izy, fa nahery, nihazona teo amin’ny Tenin’Andriamanitra; ary niantso an’ireo zavatra izay tsy nisy, ho toy ny nisy. Nahoana? Andriamanitra no niteny an’izany! Oh, oadray!

<sup>81</sup> Taranak’i Abrahama amin’izao andro izao, nahoana, izay antsointsika hoe Taranak’i Abrahama, dia malemy kokoa noho ny ron-kena natao avy tamin’ny alok’akoho iray izay matin’ny hanoanana. Eny, tompoko.

<sup>82</sup> Andriamanitra dia mila Kristiana henjana izay mandray ny Tenin’Andriamanitra, velona na maty. Ilay zavatra iray ihany izany. Amena. “Andriamanitra no niteny an’izany!” Izany no Taranak’i Abrahama, nateraky ny Fanahy sy ny Tenin’Andriamanitra. Izany no ilaina.

<sup>83</sup> “Ny lanitra sy ny tany ho levona, fa Ny Teniko tsy ho levona mihitsy.” Izay ilay izy. Izay nampanantenain’Andriamanitra, dia hain’Andriamanitra hatao. Tsy diso Andriamanitra. Tsy mety diso Izy. Misy zavatra anankiray izay tsy azon’Andriamanitra atao, ary izany dia ny ho diso. Tsy mety diso Izy, izany no zavatra tokana izay tsy Azony atao. Fa tsy mety diso Izy. Rehefa Andriamanitra no nampanantena an’ilay izy, dia izany no Fahamarinana. Eo mandrakizay izany. Milamina manontolo mandrakizay izany. Rehefa miteny Teny iray Andriamanitra, dia efa milamina hatreо izany.

<sup>84</sup> Ity izao tontolo izao ity dia vita tamin’ny Tenin’Andriamanitra iray fotsiny. Hoy fotsiny Izy hoe, “Aoka hisy,” dia nisy. Amena. Ilay tena vovoka izay ipetrahanareo izao hariva izao mihitsy, ilay tena hazo izay ipetrahanareo mihitsy, dia tsy inona fa ny Tenin’Andriamanitra tonga voaseho. Haleloia!

<sup>85</sup> Mahatsapa ho mpivavaka aho rehefa mieritreritra an’i Abrahama, mahafantatra fa afaka ny ho Taranany isika, ilay Taranak’i Abrahama miaraka amin’ireo teny fikasana rehetra ireo. Tsy manao azy ho azo antoka fotsiny, nanangana Ny Tànany Andriamanitra, nianiana tamin’ny Tenany, fa Hataony izany. Ny fianianana dia, isan’andro, ny fanekena dia amafisina amin’ny fianianana iray, ary nianiana tamin’ny Tenany Andriamanitra satria tsy nisy ambony kokoa hianianana. Nianiana tamin’ny Tenany Izy, fa Hataony izany.

<sup>86</sup> Ankehitriny inona izao tontolo izao, ahoana, inona—inona ny olana amintsika? Teny fikasana iray tahaka an’izany! Finoana iray naorina eo amin’ny zavatra iray tahaka an’izany, finoana iray naorina! Teny iray izay nampanantena an’ireo zavatra ireo amin’ny andro farany, ary eto isika mahita azy ireo mitranga

eo anatrehantsika, nefà mbola miondrika foana. Taranak'i Abrahama ve? Oh, oadray! Tiako ianareo hifikitra eo amin'izany hoe, "Taranak'i Abrahama."

<sup>87</sup> Genesisy 12, ny notakian'Andriamanitra tamin'i Abrahama dia fisarahana feno iray.

<sup>88</sup> Ankehitriny amin'izao andro izao, dia mila mpampifangaro izy ireo. "Oh, rehefa mifidy pasitera iray isika, dia tsy maintsy manana volo miolanolana izy, ary mivoaka avy ao Hollywood mihitsy, fantatrareo, ary afaka manao 'ah-men' tsara mihitsy, ary manao an'ireo akanjo ambony kilasy indrindra, sy mamily fiara Cadillac iray farany tsara, sy—sy ny sisa tahaka an'izany, ary mpampifangaro tsara iray izy. Manao an'ity izy. Ary haka fisotro kely iray matetitetika miaraka amintsika izy, mba ho mpifanerasera. Tonga ao amin'ilay fetin-karatr'ireo ramatoa antitra izy, ka manao zaitra sy manjaitra izy ireo, ary manjaitra sy manao zaitra, ary miresaka mikasika an-dRtoa *Ranona-sy-ranona*, sy ny sisa, fantatrareo, ary ny rehetra tahaka an'izany. Ary tsy maintsy ho io karazan'ny—ny mpampifangaro iray io izy ireo."

<sup>89</sup> Hoy Andriamanitra hoe, "Avaho ho Ahy i Paoly sy Barnabasy!" Amena. Fisarahana! "Mivoaha avy ao amin'izy ireo aryaza mandray anjara amin'ireo zava-malotony!" Mila fisarahana Andriamanitra, fandringanana manontolo ny fahotana. Misaraha! Izany ilay olana amin'izao andro izao, ny antony tsy ahafahantsika ho Taranak'i Abrahama, tsy afaka manasaraka ny tenantsika amin'ireo dogma sy fanekem-pinoana, sy ny sisa isika, antsoina hoe Kristianisma, ho amin'ilay Teny velona. Saraho amin'ny tsi-finoana ny tenanareo, ka minoa ny Tenin'Andriamanitra. Andriamanitra no hanao an'Izany ho voaseho aminareo. Marina.

<sup>90</sup> Genesisy 12, hoy Andriamanitra hoe, "Saraho amin'ny havanao rehetra ny tenanao sy ny zavatra rehetra manodidina anao." Oh, oadray, tsy afaka manasaraka ny tenantsika amin'ny filalaovan-karatra isika! Hah!

<sup>91</sup> Niditra tao amin'ny fisakafoanana iray aho androany, rehefa niditra tao ny rahalahy. Nandinika adolantsento iray maditra niditra tao aho. Ary niezaka nihinana izaho sy ny vadiko, dia nieritreritra aho hoe, "Deraina Andriamanitra! Ndao haingana isika, malala, alohan'ny idiran'ny olona iray." Dia niditra tao ny adolantsento iray, misotro miaraka amin'ny feo mafy. Hatahotra aho ny hifanenana amin'io zalahy io ao amin'ny maizina. Ary izy nametraka ny—ny fanjaitran'ny milina iray teo ary, na kapila iray, ka nanomboka nandefa an'io karazana booglie-wooglie ratsy io, ary—ary nitsangana teo, nanao tahaka an'izao, fantatrareo, nikapoka ny tenany tahaka an'izao. Hoy aho hoe, "Nohon'ny fahatsaran'Andriamanitra, mamindrà fo!"

<sup>92</sup> Hoy i Meda hoe, “Aza—aza mandeha mankeny handoa an’io faktiora io. Miandrasa eto mihitsy, avelao aho handeha hiaraka aminao.” Natahotra izy.

<sup>93</sup> Ny olona rehetra ao anatin’izany, zavatra tahaka an’izay ananantsika amin’izao andro izao, firenena Kristiana iray, oh, zavatra iray toy ny inona! Fisarahana! Sivifolo isan-jaton’ireo dia mihira ao amin’ny antoko mphihira, ilay Elvis Presley, sy Pat Boone iray, ary io rehetra io, ary Peabody Ernie iray, na inona no iantsoan’izy ireo azy any. Nahoana, ratsy noho i Jodasy Iskariota izany! Nivarotra i Jodasy Iskariota, ary nahazo volafotsy madinika telopolo; nandresy azy i Elvis, nahazo andiana Cadillacs maro sy laza betsaka izy. Ary satria mahita an’io hadalana rehetra io ireo ankizy kely, dia manao hoe, “Tena mpivavaka izy.” Ny devoly izany! Izany tokoa! Tsy mandefittra amin’ny zavatra tahaka an’izany Andriamanitra. Mpanajamba iray izany eto amin’ny andro farany.

<sup>94</sup> Miverena amin’ny Teny, “Saraho amin’ny zavatra tsy masina rehetra ny tenanareo, ka aza mikasika ny zavany. Handray anareeo Aho.”

<sup>95</sup> Ny Filazantsara, mila mikirakira Azy amin’ny tānana tsy misy fonony isika! Tsy miaraka amin’ny fonon-tānana ara-pivavahana, mikapokapoka olona amin’ny lamosina, izay manana akany iray feno atody lò indray, manao olona ho lehilahin’ny distrika, na presbytera iray, eveka iray, na zavatra iray hafa. Inona no ataon’ny... Ahoana no ahafahanareo hanana finoana rehefa mandray fanajana ianareo, mifanome voninahitra? Mijery an’Andriamanitra isika, ary Izy irery! Avy amin’Andriamanitra ny haja. Izy no Anankiray. Manaja Azy isika amin’ny fihazonana Ny Teniny toy ny fanilo iray, ary mandeha tahaka ny lehilahy na vehivavy iray eo anatrehan’Andriamanitra. Azo antoka. Fisarahana feno!

Genesisy 13, nihemotra i Lota. Tsarovy. Izy ireo dia nanana kely iray...

<sup>96</sup> Rehefa avy nanasaraka ny tenany izy ireo, ka niampita an’ilay renirano ary niditra tao amin’ilay tany, dia hoy Andriamanitra hoe, “Abrahama, Homeko anao izany rehetra izany ankehitriny, saingy tsy nankatò Ahy tanteraka ianao.”

<sup>97</sup> Ary ny zavatra voalohany fantattrareo, tonga ny fifamaliana kely iray teo amin’ireo mpiandry ondry, sy teo amin’ireo mpiandry omby, ary Genesisy 13 (inona no nitranga?), ireo mpiandry ondrin’i Lota sy ireo mpiandry ondrin’i—i Abrahama. Diniho i Abrahama, ilay fihetsika ara-pirahalahiana, hoy izy hoe, “Aoka tsy hisy fifamaliana eo amintsika. Mpirahalahy isika.” Lota no nameho an’ilay fiangonana matimaty. Dia hoy izy hoe, “Jereo, manaova safidy. Na inona na inona ilainao, dia mandrosoa ka alaivo ilay izy. Raha mandeha any atsinanana ianao, izaho handeha any andrefana, sy ny sisa. Na, raha

mandeha any andrefana ianao, izaho handeha any atsinanana. Raha mandeha any avaratra ianao, izaho handeha any atsimo, sy ny sisa. Ataovy ny safidinao.” Ary efa tany Egypta i Lota ka nanana maso teo amin’ny laza kely iray, nanana vola kely tao am-paosiny.

<sup>98</sup> Teo no nanaovan’ny fiangonana ny fahadisoany. Milaza an’izao amin’ny fanajana aho, rahalahy. Ho tsaratsara kokoa ilay fiangonana Pentekotista niaraka tamin’ny amponga tapaka iray, teny amin’ny zoron-dàlana, niaraka tamin’ireo lehilahy sy vehivavy tamin’ny fanao fahiny, niaraka tamin’ny batisan’ny Fanahy Masina, noho izy ireo ao anatin’ireo fasana goavana be sy tranom-paty ireo izay ipetrahan’izy ireo androany eo ambanin’io fahadalana rehetra sy ny karazany io. Marina izany. Izy ireo dia te-hihetsika tahaka ny sisa amin’izy ireo. Teo no nahazoantsika an’izany. Nahoana ianareo no tsy nijanona tahaka ny naха-izy anareo, tahaka ny nanombohan’Andriamanitra taminareo? Ilay zavatra nifamalianareo mihitsy, nefo nitodika ianareo ka nanao an’ilay zavatra iray ihany.

<sup>99</sup> Tahaka an’izany no nataon’i Lota, nandeha nankany Egypta ary, ny zavatra voalohany fantatrareo, nametraka ny masonry teo amin’i Egypta izy. Ary avy eo dia njery izy ka nahita an’i Sodoma, fahatsarana, nanamora an’ilay izy. Dia nandeha niatsinanana izy nankany . . . Tsarovy, nandeha tany atsinanana raha tokony nandeha tany andrefana niaraka tamin’i Abraham. Nandeha nankany atsinanana izy satria izany no lâlan’ny fahatsarana. Nandeha nankany atsinanana izy.

<sup>100</sup> Tahaka an’izany no nataon’ny fiangonana amin’izao andro izao, hitanareo, nihemotra izy ireo. Araka ny nolazaiko omaly hariva, ny masoandro dia mipozaka any Atsinanana ary mandeha any andrefana. Ary ny Zanak’Andriamanitra dia nitsidika ny Atsinanana aloha, ary nandeha niankandrefana. Nahenan’izy ireo izany, nandrity ny roa arivo taona. “Fa hisy Hazavana amin’ny andro hariva,” hoy io mpaminany io. Raha tokony hanaraka an’ilay Zanaka, dia niverina nankany amin’izay nisy an’ilay Zanaka izy ireo. Amin’izao andro izao raha sendra miresaka zavatra mikasika ny fanasitranana avy amin’Andriamanitra ianareo, mikasika ny faminaniana, mikasika an’ireo fanomezana ara-panahy, na zavatra iray; “Ndao isika hiverina ka hahita an’izay nolazain’i Moody, izay nolazain’i Sankey, izay nolazain’i Knox, izay nolazain’i Calvin.” Niaina tamin’ny andro izay namiratan’ilay Zanaka tany izy ireo; isika manohy mankany amin’ny fahatanterahana! Amena!

<sup>101</sup> Nilaza ny siantifika Frantsay iray, teo amin’ny telonjato taona lasa teo izay, nanaporofo an’izany tamin’ny fanakorisana baolina iray nanodidina ny gilaoby, hoy izy hoe, “Raha mba handeha amin’ny hafainganam-pandeha mampatahotra telopolo maily isan’ora ny olona iray, dia hanainga azy hiala amin’ny tany ny fisintonana.” Noporofoiny ara-tsiansa izany.

Mihevitra ve ianareo fa mba hitodika amin'izany ny siansa? Tsia, tompoko! Hanao azy ireo handeha eo amin'ny arivo maily isan'ora izy ireo, miezaka hanao azy ireo handeha haingana kokoa. Tsy miverina mijery an'izany izy ireo.

<sup>102</sup> Fa hoy ireo mpitoriteny, “Hiverina hijery izahay ka hahita an’izay nolazain’i Moody, izay nolazain’i Sankey.” Teo amin’izay *nisy* ny Zanaka izany. Eto no misy Azy androany! Eo amin’ny Morontsiraka Andrefana Izy, amin’ny andro hariva, haleloia, manome an’ireo Hazavan’ny hariva! Tsy miverina any amin’ny fanamarinan’i Luther na ny fanamasinan’i Wesley; fa eo amin’ny andro farany isika, amena, izay amiratan’ireo Hazavan’ny hariva, izay misy antsika eo amin’ny andro farany. Araho ilay Zanaka.

<sup>103</sup> Fa niverina i Lota satria mora ilay izy, tsara. Jereo Rtoa. Lota rehefa tonga tany izy. Nahoana, tsy maintsy lasa ilay mpanjakavavin’ireo fikambanan’ny tanàna izy. I Lota lasa ben’ny tanàna. Oh, rahalahy, vitan’izy ireo ilay izy, nahoana, izany no tiako lazaina!

<sup>104</sup> Tahaka an’izany no nandraisan’ny olona an-dRtoa. Lota amin’izao andro izao. Jereo ny fomba ihetsehan’ireo vahoakantsika amin’izao andro izao. Jereo ireo vahoakantsika ao am-piangonana, jereo fotsiny izany. Jereo ireo vehivavintsika, jereo izy ireo amin’izao andro izao.

<sup>105</sup> Izaho—tany Hollywood aho indray...na tany Los Angeles, vao tsy ela, niandry an-dRahalahy Arganbright ho tonga aho. Ary nitsangana teo ny zazavavy iray, tonga teo. Nijery aho, ary niahahanhana aho. Nojereko izy. Nieritreritra aho hoe, “Misionera iray aho. Efa nahita pesta aho, efa nahita habokana aho, saingy mbola tsy nahita zavatra tahaka an’io mihitsy aho.” Nanana ny iray tamin’ireo taovolo loha noleman-drano ireny izy, ireny, fantatrareo, fantatrareo, izay antsoinareo hoe, tahaka ny loha noleman-drano iray, fantatrareo, ilay—ilay Vadim’ny Filoha, hia, tahaka ny Jezebel iray, tahaka an’izany. Ary nanana manga sy maitso izy; ary mety ho efa vehivavy iray tsara tarehy; saingy io karazan-javatra rehetra teo aminy io, nitovy tamin’ny Hottentot Afrikana iray izy. Nandroso aho, saika hivavaka ho an’ilay vehivavy. Nieritreritra aho hoe, “Ramatoa, raha tsy mampaninona anao, mivavaka ho an’ny marary aho. Tsy mbola nahita zavatra tahaka an’io mihitsy aho. Teneno amiko hoe inona io.” Ary avy eo dia tonga niresaka taminy ny vehivavy iray hafa, ary nitovy ihany izy. Oh, oadray!

Oh, hoy ianareo hoe, “Presbyterana izany.” Pentekotista! Azo antoka.

<sup>106</sup> Ary hoy ny Baiboly hoe, “Zavatra mahafa-boninahitra ho an’ny vehivavy iray ny manapaka ny volony.” Ataony ilay izy, mahafa-boninahitra ny lohany izy. Mahafa-boninahitra an’ilay anjely izy, ilay anjelin’ny Hazavana. Ireo anjelin’ny Fiangonana

Fito, ilay anankiray izay mitondra ny Hazavana dia hijanona amin'ny Teny. Mahafa-boninahitra! Tokony hanana volo izy eo amin'ny lohany. Oadray, tahaka an'izany! Ary efa ratsy ho azy ireo ny nanao an'izany taloha. Tao—tao amin'ny Pentekosta voalohany, dia ratsy izany. Inona no nitranga? Nihazakazaka tsara ianareeo, inona no nitranga?

<sup>107</sup> Ary ny sasany amin'ireo vehivavintsika Pentekotista dia miakanjo an'ireo akanjo mitovy amin'ny hoditra saosisy ireny, eto any ho any miezaka... Marina izany! Tsy milaza an'izany ho vazivazy aho. Tsy toerana hivazivaziana ity. Polipitra ity.

<sup>108</sup> Nilaza tamiko ny vehivavy iray indray hariva. Noteneniko tamin'izy ireo hoe toy ny ahoana no fiakanjon'izy ireo. Hoy izy, hoy izy hoe, "Tsy manao sorta aho. Izaho—izaho—manao pataloaha aho."

<sup>109</sup> Hoy aho hoe, "Mbola ratsy noho ny hatramin'izay izany. Hoy Andriamanitra hoe, 'Ny vehivavy iray izay hanao fitafian-dehilahy, dia fahavetavetana iray eo imason'Andriamanitra.'" Marina!

<sup>110</sup> Ary mamele ahy hiteny zavatra aminareo, ramatoa, ianareo, ry vehivavy tanora, izay mampitafy ny tenanareo eo, hamaly nohon'ny fijangajangana ianareo amin'ny andron'ny fitsarana.

Hoy ianareo hoe, "Madio tahaka ny lisy iray mihitsy aho."

<sup>111</sup> Hia, saingy hoy Jesosy hoe, "Na iza na iza mijery vehivavy iray mba hitsiriritra azy, dia efa nijangajanga taminy sahadys tao am-pony." Tsy voatery hanao an'ilay hetsika ianareo. "Na iza na iza tezitra amin'ny rahalahiny tsy misy antony, dia efa namono azy sahadys." Hitanareo, ilay zavatra tokana tokony ataonareo. Ary raha mijery anareo amin'ny fomba fiakanjoanareo io mpanota io, ny atao rehetra arak'izay mahajazy anareo, miainga ny aoriania, sy mitosika mivoaka, mitosika miditra, ary manao an'ireny karazan'akanjo ireny, avy eo dia mandeha mivoaka ianareo. Henoy ankehitriny, tsy vazivazy izany! Ity ny Filazantsara! Ary mandeha tahaka an'izany ianareo, ka mijery anareo mba hitsiriritra anareo ny mpanota iray. Amin'ny andron'ny fitsarana, rehefa hamaly nohon'ny fijangajangana izy, dia iza no nahatonga an'izany? Ianareo no nanao. Hamaly ho an'izany ianareo satria nampiseho ny tenanareo tahaka an'izany.

<sup>112</sup> Nahoana, hoy ianareo hoe, "Izy ireo—tsy manamboatra karazan'akanjo hafa izy ireo." Manamboatra milina fanjairana izy ireo, ary mbola mivarotra lamba foana. Tsy misy fialan-tsiny mihitsy! Ilay izy dia satria nanalavitra ny Teny ianareo! Tsy malaza izany. Mafy izany.

<sup>113</sup> Tonga ny mpitoky teny malaza iray indray andro, ary nametraka ny tânany teo amiko, nanao hoe, "Hametraka ny tânako eo aminao aho ary handroaka an'ilay ratsy."

Hoy aho hoe, “Inona?”

<sup>114</sup> “Miresaka mikasika an’ireo vehivavy ireo tahaka an’izany.”  
Hoy izy, “Mihevitra anao ho mpaminany iray ny olona.”

Dia hoy aho, hoy aho hoe, “Tsy mpaminany aho.”

<sup>115</sup> Hoy izy hoe, “Mihevitra anao ho izany izy ireo, Rahalahy Branham.” Dia hoy izy, “Tokony hampianatra an’ireo olona ireo ianao, ireo vehivavy ireo, hoe ahoana no ahazoana fitahiana ara-panahy lehibe. Nefa manohy miteny amin’izy ireo mikasika ny fanapahany ny volony sy ireo zavatra tahaka an’izany. Tsy hihaino an’izany izy ireo.”

Hoy aho hoe, “Fantattro izany.”

Hoy izy, “Nahoana ianao no tsy mampianatra azy ireo zavatra lehibe kokoa?”

<sup>116</sup> Hoy aho hoe, “Ahoana no ahafahako mitory teny, mampianatra azy ireo alzebra nefo tsy mahafantatra ny ABD-ny akory aza izy ireo, tsy fahamaotinana tsotra akory aza?”

<sup>117</sup> Ary ianareo lehilahy izay hamela ny vehivavinareo hihetsika tahaka an’izany, kely ny fanajako anareo ho lehilahy Kristiana iray, Taranak’i Abrahama. Amena! Tsaratsara kokoa amiko ny mamela an’izany hipetraka tsara, hanao anareo hitsangana aho ka handeha hody. Eny àry. Ho diso amin’ny fahitana zavatra ianareo Any ambony any indray andro any.

<sup>118</sup> Hoy ianareo hoe, “Tsy manao fahasamihafana izany.” Nanao izany tamin’i Paoly. Nanao izany tamin’Andriamanitra, tao amin’ny sahan’i Edena. Nilaza ny Baiboly fa tokony hanana volo lava ny vehivavy! Ary raha tsy misy an’izany, dia aiza no misy anareo? Eny, hoy ianareo hoe, “Tsy manao fahasamihafana izany.” Ny Baiboly no nilaza fa manao izany! Aza mamela ny devoly handanjalanja miaraka aminareo, ka hiteny aminareo hoe, “Moderina izany, mety tsara izany.” Tsy mety tsara izany! Hoy ianareo hoe, “Tsy fantattro izany tany aloha.” Fantatrareo ilay izy ankehitriny. Hitanareo? Karohy izany dia tadiavo raha marina izany. Havelako hipetraka tsara izany, hitanareo. Eny àry.

<sup>119</sup> Genesisy 13, moderina, ah-hah; miverina any amin’izay nisy ny Zanaka, tsy any amin’izay misy ny Zanaka; any amin’izay nisy ny Zanaka, na ahoana na ahoana. Ny vady, neveriko, ny vadim’i Lota, toy ny ahoana no nidirany tao amin’ny fikambanana!

<sup>120</sup> Tahaka an’izany no nidirantsika tao amin’ny fikambanana. Tahaka an’izany no nidirantsika Pentekotista tao amin’izany. Isika dia lasa, nametraka rafi-pandaminana kely iray *eto*, ary anankiray kely manohitra, ny anankiray manohitra an’ilay hafa, ary manohitra an’ity, ary izy ireo dia manao... Nampiditra ny zavatra rehetra ianareo. Marina tokoa izany.

<sup>121</sup> Inona no nolazain’i Samoela rehefa Isiraely no nila—nila hanao mpanjaka iray, nila an’i Saoly ho mpanjaka iray?

Nanatona azy ireo i Samoela, ka nanao hoe, “Efa mba naka ny volanareo mba hivelomana ve aho? Efa mba niteny zavatra taminareo tamin’ny Anaran’ny Tompo ve aho ka tsy niseho?”

<sup>122</sup> Oh, hoy izy ireo hoe, “Azo antoka, mpaminanin’Andriamanitra ianao. Niteny ny Fahamarinana taminay ianao, ary izay nolazainao dia niseho, saingy mila an’ilay mpanjaka izahay, na ahoana na ahoana.”

<sup>123</sup> Ary na oviana na oviana no anombohanareo mamela an’ireo fefy hilatsaka, ary mamela an’ity sy itsy, ary ny zavatra hafa rehetra hiditra tahaka an’izany, dia lasa moderina ianareo. Ary tahaka ny sisa amin’izy ireo fotsiny ny fiangonana amin’izao andro izao. Ny ilaintsika dia fanadiovan-trano Pentekotista iray! Marina tokoa izany. Amena. Henatra iray raha Batista iray no miteny anareo an’izany, sa tsy izany? Saingy izany no Fahamarinana. Marina! Mino ny Baiboly aho, mino aho fa marina ny Tenin’Andriamanitra. Eny àry.

<sup>124</sup> Abrahama, avy eo Abrahama dia nitondra ny . . . ao amin’ny andininy faha-14-n’ny toko faha-13, rehefa nanasaraka ny tenany i Lota, ka nankatò manontolo an’Andriamanitra i Abrahama, tamin’izay fotoana izay vao nanatona azy Andriamanitra. Ankehitriny dia vonona ny hitahy azy Izy.

<sup>125</sup> Ary raha tsy manalavitra an’ireo fanekem-pinoany sy dogmany rehetra ny fiangonana Pentekotista, sy fihetsika tahaka an’izao tontolo izao sy mitovy amin’izao tontolo izao, sy miresaka tahaka an’izao tontolo izao, ary mijanona any an-trano ny Alarobia hariva hijery ny *We Love Susie* raha tokony handeha hankany amin’ny favoriam-bavaka, ary ireo zavatra tahaka an’izany, mandoa ny fahafolon-karenanareo amin’ny mpitoky teny iray eto eo amin’ny karazana fandaharan’ny radio iray haneso an’ilay tena zavatra mihitsy izay tohananareo, marina izany, ary io karazan-javatra rehetra izay atao amin’ny anaran’ny pentekosta io, fahafaham-baraka iray izany!

<sup>126</sup> Miresaka ho an’ny Christian Business Men aho, iraisampirenena. Misy maro amin’izy ireo mipetraka eto ankehitriny. Teto indray hariva, teto teo amin’ny herintaona lasa teo izay, izay ilay izy, tany Jamaica aho. Ary nanana an’ireo olo-malaza rehetra an’ny nosy izy ireo tany indray hariva, ary nitsangana ireo lehilahy ireo, nijoro vavolombelona, “Voninahitra ho an’Andriamanitra! Lehilahy mpandraharaha kely iray aho teny amin’ny zorony. Haleloia, manana Cadillacs efatra aho ankehitriny. Voninahitra ho an’Andriamanitra!”

<sup>127</sup> Ary niverina nankany amin’ny Flamingo Motel aho tany tamin’io hariva io, nitsangana tany, hoy aho hoe, “Menatra anareo aho!” Hoy aho hoe, “Ianareo lehilahy eto tokony hisolotena an’i Kristy, miezaka miteny amin’ny lehilahy mpandraharaha iray hoe firy no anananareo, manana mihoatra noho ny anananareo na izay hany hanananareo izy.”

Fahasamihafana betsaka amin'ireo pentekotista voalohany izany. Nivarotra an'izay nananany ny pentekosta voalohany, ary nizara teo anivon'ny mahanttra, ka nandeha sy nitory ny Filazantsara. Marina!

<sup>128</sup> Mpihira Suedois kely iray avy any Chicago, tsy hiantso ny anarany aho. Rahalahiko sarobidy izy. Nitsangana izy, nanao hoe, "Rahalahy Branham, ianao na dia... Mino anao ho mpaminany iray izahay, saingy hiteny aminao aho izao ankehitriny izao hoe, 'Diso ianao.'"

Hoy aho hoe, "Teneno amiko hoe aiza, rahalahy."

<sup>129</sup> Hoy izy hoe, "Eny, nivarotra an'izay nananany ireo olona ireo, ary nametraka an'izany teo an-tongotri'reo apostoly, ary nizara an'izany." Hoy izy hoe, "Izany no hetsika ratsy indrindra hany nataon'izy ireo."

<sup>130</sup> Hoy aho hoe, "Ny tianao tenenina amiko ve dia hoe manao hetsika diso iray ny Fanahy Masina?"

Dia hoy izy hoe, "Diso izany. Hoporofoiko aminao izany."

Hoy aho hoe, "Nahoana?"

<sup>131</sup> Hoy izy, "Avy eo rehefa niseho ny fanenjehana, dia tsy nanana toerana haleha izy ireo. Nirenireny izy ireo, hatraiza hatraiza."

<sup>132</sup> "Tao amin'ny sitrapon'Andriamanitra marina tokoa, nitory ny Filazantsara na taiza na taiza nalehan'izy ireo. Tsy nanana toerana hiverenana izy ireo." Tsy manao fahadisoana Andriamanitra. Marina! Oh, fahasamihafana iray toy inona ilay izy: Pentekosta izay *nisy*, sy Pentekosta izay *misy*. Hia, izay ilay izy.

<sup>133</sup> Rehefa avy nanasaraka ny tenany tamin'i Lota i Abrahama, izay notenenin'Andriamanitra marina tokoa mba hataony. "Misaraha amin'ny fahotana rehetra izay malaky mahazo anareo, esory ny zavatra rehetra!" Teo, noho izany dia hoy Andriamanitra hoe, "Abrahama, mpandova ny zavatra rehetra ianao ankehitriny. Mijere any atsinanana, mijere any andrefana, mijere any avaratra, mijere any atsimo, tetezo ny tany, anao daholo izany!" Amena.

<sup>134</sup> Saraho ny zavatrareo, ny tenanareo amin'ny fahotana, tsi-finoana. Fahotana tokana ihany no misy, ary izany dia ny tsi-finoana. Tsy ny fijangajangana no fahotana, tsy ny fisotroana alikaola no fahotana, tsy miteny lainga no fahotana; toetry ny tsi-finoana izany. Raha nino ianareo, dia tsy hanao an'ireo zavatra ireo. Izany tokoa. Hoy Jesosy ao amin'ny Masindahy Jaona 5:24 hoe, "Izay mandre Ny Teniko ka mino Izay naniraka Ahy, no manana Fiaainana Mandrakizay," ilay Zoe, Fanahy Masina, satria nino izy. Marina. Ankehitriny, raha tsy mandray an'Izany ianareo, dia mody-mpino, izay ao anatin'io vondrona io. Fa rehefa tena mino marina tokoa izy ireo, manasaraka ny tenany, amin'izay fotoana izay

rehefa manasaraka ny tenanareo amin'ny tsi-finoanareo rehetra ianareo, ka mino an'Andriamanitra, mandeha amin'ny fomba hentitra, mitandrina an'ireo Didy, manao ny zavatra rehetra izay marina, amin'izay fotoana izay dia hilaza Andriamanitra hoe, "Anareo ny teny fikasana tsirairay ao amin'ny Boky." Amena. "Anareo ny rehetra! Tetezo Izany, manomboka amin'ny Genesisy hatrany amin'ny Apokalypsy, anareo izany rehetra izany!" Amena. "Raha mitoetra Amiko ianareo ary Ny Teniko ao aminareo, dia afaka mangataka an'izay tianareo ianareo, hatao izany." Inona? Tsy maintsy manasaraka ny tenanareo ianareo, aloha, miala amin'ny tsi-finoanareo.

Hoy ianareo hoe, "Rahalahy Branham, manao an'ilay izy ho tena ratsy ianao."

<sup>135</sup> Hoy Jesosy hoe, "Tamin'ny andron'i Noa dia nisy valo voavonjy. Tahaka ny tamin'ny andron'i Noa, dia ho toy izany koa amin'ny fihavian'ny Zanak'olona."

<sup>136</sup> "Firy izany, Rahalahy Branham?" Mety ho valo arivo, mety ho valo tapitrisa, tsy fantatroe hoe inona ilay izy. Fa ho ao amin'ny havitsiana ilay izy. Anankiray amin'ny iray hetsy, na zavatra tahaka an'izany, no ho lazaiko. Eny àry.

<sup>137</sup> Finoana avy amin'ny saina, finoana ara-tsaina, tsy misy fahatsapan'ny fahaterahana indray, ara-pientanam-po, fanekem-pinoam-piagonana! Raha Fanahy Masina tena izy marina no ao anatin'y ao, dia hanisy tsindrimpeo an'ity Teny ity Izany; ary ho velona marina tokoa tahaka ny Nolazainy fa Hivelomany ity Teny ity, satria Izany dia ilay Fanahy iray ihany niteny Azy, no miteny Azy amin'ny alàlanareo. Tsy maintsy velona Izany. Marina tokoa, izany ilay izy. Tsy izay teneninareo, fa ny Ray izay mitoetra ao anatinareo, Izy no Anankiray manao ny fitenenana. Eny àry.

Abrahama, mpandova ny zavatra rehetra.

<sup>138</sup> Izaho, fony aho feno ny Fanahy Masina tahaka anareo olona, dia tiako ny mitsangatsangana, ary, tahaka ny tranon'entana goavana iray, ny zavatra rehetra ao dia ahy. Mpandova ny kely tsirairay an'izany aho. Ary raha nandova tranon'entana iray aho, izaho—tiako ny hahita an'izay ananako. Rehefa lasa Kristiana aho, dia tiako ny ahafantatra an'izay ananako. Noho izany raha nanana tranon'entana iray aho, dia handeha hitety aho, ary hisintona vatasarihana iray ka hahita hoe inona no ato, ary mijery eto ka hahita hoe inona no eo; raha misy zavatra toa avo kely eto, dia maka tohatra iray aho ary mihanika an'izany. Ho hitako hoe inona ilay izy. Raha misy zavatra any ankoatra kelin'ny fahatakarako, dia handohalika aho ary hanomboka hivavaka mandra-pahatongako eo amin'izany. Ahy izany! Andriamanitra no nampanantena an'izany. Fanasitranana avy amin'Andriamanitra, ny Herin'Andriamanitra, ireo

fahagagana sy famantarana ary zava-mahagaga rehetra, Izy no nampanantena an'izany.

<sup>139</sup> Hoy ianareo hoe, “Rahalahy Branham, ahoana no iasan’ireo zavatra ireo?” Amin’ny alàlan’ny teny fikasan’Andriamanitra. Amena.

<sup>140</sup> Taranak’i Abrahama! Voninahitra! Mahatsapa ho tsara aho. Mety toy ny adala sy mihetsika adala aho, saingy avelao aho hipetraka tsara. Mahatsapa tsaratsara kokoa aho tahaka an’izany noho izay tsapako tamin’ilay fomba hafa. Hitanareo?

<sup>141</sup> Toko faha-14, handeha eo amin’i Abrahama isika, ankehitriny dia hitantsika izay nitranga ao amin’ny toko faha-14. Tonga avy tany amin’ny ampahany samihafa an’ny firenena ireo mpanjaka, ary nifanaraka tamin’ireo mpanjakan’i Sodoma, ka niditra ary naka an’i Sodoma, naka an’i Lota; rahalahin’i Abrahama ao amin’ny Tompo, nitondra azy nivoaka, ny rahalahiny matimaty ara-anaram-piagonana, ary nandeha niaraka taminy. Ankehitriny, tsarovy, efa niteny tamin’i Abrahama Andriamanitra fa ny zavatra rehetra tao amin’ilay tany dia azy.

<sup>142</sup> “Fa ny malemy fanahy no handova ny tany.” Milaza ve fa adala isika? Haka ny tany, izay eo ambonin’ny tany! Azo antoka, isika no mandova azy.

<sup>143</sup> Jereo i Satana, nilaza tamin’i Jesosy hoe, “Raha hiankohoka sy hivavaka amiko Ianao, dia homeko Anao ity izao tontolo izao ity.” Ny fanjakana rehetra dia fehezin’ny devoly daholo, ny tsirairay avy amin’izy ireo. Jesosy no niteny an’izany. Miresaka an’izany ny Baiboly. Ny firenena tsirairay sy ny fanjakana tsirairay dia fehezin’ny devoly. Dia hoy Satana hoe, “Izaho no tompon’ireo. Ahy izy ireo. Homeko Anao izy ireo raha hivavaka amiko Ianao.”

<sup>144</sup> Fantatr’i Jesosy fa Izy no Mpandova azy ireo ao amin’ny Arivo taona, noho izany dia hoy Izy hoe, “Mialà any Ivohoko, ry Satana.” Fantany fa Izy no Mpandova an’izany.

<sup>145</sup> Ary amin’izao andro izao dia miresaka ny amin’ireo olona adala mivavaka amin’ny Tompo sy nateraka indray izy ireo. Izy ireo dia matahotra an’ilay hoe “efa nateraka indray.” Tsy tian’izy ireo fotsiny izany hevitra izany, ka nosoloiny zavatra iray izany. Ny iray amin’izy ireo dia manana solony fandraisan-tànana iray; ilay iray hafa, famafazan-drano kely; ny iray hafa, mamoaka ny lelany dia maka sila-mofo iray; ilay iray hafa, mandihy manerana ny gorodona. Fahaterahana iray ilay izy! Araka ny nolazaiko indray hariva hoe, “Ny fahaterahana dia loto iray, tsy ahoako na aiza no misy azy. Raha any anaty tranon-kisoa na efity ny hopitaly, fahaterahana iray izany, loto iray izany.” Ary toy izany koa ny Fahateraham-baovao, mandrovitra anareo Izany, saingy avy amin’io loto io no tonga ny Fiainam-baovao. Amena. Eny.

<sup>146</sup> Fantatr'i Abrahama fa azy ny zavatra rehetra, koa noho izany rehefa tonga i Lota, dia hoy izy hoe, "Andraso iray minitra ankehitriny." Nentin'ny tānana lozabe an'ny fahavalao i Lota. Hoy izy hoe, "Rahalahiko izany, ka handeha hitady azy aho." Tsarovy ankehitriny, nisy mpanjaka teo amin'ny fito na valo teo no nandeha niaraka, ary tonga ka naka ny zavatra rehetra ary nifaoka an'izany. Ary rehefa lasa izy ireo, dia nentin'i Abrahama ireo mpanompony ka nandeha nitady azy, mba hamerina ny rahalahiny very. Izany no tena Kristiana, nandeha nitady ny rahalahiny very! Inona no nataony rehefa hitany izy? Novonoiny ireo mpanjaka; ary niverina, nitondra ny rahalahiny, taorian'ilay ady.

<sup>147</sup> Jereo, nisy Mpanjaka iray nivoaka hitsena azy, niverina, Melkizedeka. Melkizedeka, inona Izy? Tsy nanan-dray Izy, tsy nanan-dreny Izy. Tsy nateraka mihitsy Izy, tsy maty mihitsy Izy. Tsy misy ray, tsy misy reny, tsy misy voalohan'andro na fiafaran'ny fiainana. (Tsy ilay Zanak'Andriamanitra izany; satria nanana Ray sy reny Izy, sady nateraka no maty, ary nitsangana indray.) Fa ity Lehilahy ity dia tsy nanana ray na reny mihitsy, Andriamanitra Izy! Izany tokoa, Izany ilay Zavatra tokana izay Mandrakizay.

<sup>148</sup> Ary nitsena an'i Abrahama Izy rehefa nifarana ny ady, naneho an'izany tamin'ny Taranak'i Abrahama; rehefa avy mandeha mitady ny rahalahintsika lavo isika, dia mifarana ny ady. Inona no naroson'i Melkizedeka? Divay sy mofo, ny fandraisana. Amena. Rehefa mifarana ny ady, rahalahy! Miverina, mitondra ny rahalahiny very miverina any an-trano indray, mamerina azy indray. Ary rehefa nifarana ny ady, dia nitsena azy Melkizedeka ka nanolotra azy ny fandraisana. Hoy Jesosy hoe, "Tsy hihinana na hisotro ny vokatry ny voaloboka intsony Aho mandra-Pihinako ny vaovao miaraka aminareo ao amin'ny Fanjakan'Ny Raiko." Eny, tompoko. Nifarana ny ady ankehitriny, niverina i Abrahama, ny toko faha-14; ary nitsena azy ilay Mpandresy, rehefa niverina niaraka tamin'ilay Mpandresy izy.

<sup>149</sup> Genesisy 15 ankehitriny, alohan'ny hamaranantsika, satria fotoan'ny famaranana ankehitriny. Henoy ny zavatra anankiray amboniny alohan'ny andehanantsika.

<sup>150</sup> Ary tsy maintsy haka an'ity indray aho rahampitso hariva, satria tsy tonga teo amin'ny lohahevitra mihitsy aho, tokony ho eo amin'ny toerako aho anefa, eo amin'ny Jehovah-Jire. Te-ho tonga eo aho, raha sitraky ny Tompo.

<sup>151</sup> Eo amin'ny toko faha-15 ankehitriny, manana aho eto hoe nohamarinina tamin'i Abrahama ny fanekena iray, ny fanamarinana an'ilay faneke. Amin'ny teny hafa, izany dia rehefa nianiana Andriamanitra, ary rehefa nanao ny teny fikasana Andriamanitra ka nanamarina an'ilay teny

fikasana tamin'i Abrahama. Ao amin'ny toko faha-15, dia mahita an'izany isika, ny fanamarinana ny fianianana izay nolazain'Andriamanitra.

<sup>152</sup> Hoy Abrahama tamin'Andriamanitra hoe, "Ny mpandova ny tranoko dia mbola io Eliezera avy any Damaskosy io."

<sup>153</sup> Dia hoy Izy taminy hoe, "Fa tsy io no mpandova anao, fa ny anankiray avy amin'ny kibonao no mpandova anao." Dia nampanantena azy Izy.

Hoy izy, "Ahoana no hahafantarako an'izany?"

<sup>154</sup> Oh, ankehitriny, rahalahy, misy zavatra izay hamoha anareo eto! Diniho Izy. Hoy Izy hoe, "Mandehana itondray osivavy telo taona Aho, ombivavy kely, telo taona, ary ondrilahy telo taona." Dia nentin'i Abrahama izy ireo, ary domohina roa... domohina iray sy voromailala iray.

<sup>155</sup> Ankehitriny, ny domohina sy voromailala dia manana fanehoana iray; ireo biby telo taona ireo, ary nisy telo tamin'izy ireo. Ankehitriny dia hanao an'ilay fanekena Izy, hanamarina an'ilay fanekena. Henoy tsara ankehitriny, aza diso an'izany. Ary avy eo dia horaisintsika rahampitso hariva rehefa mihaona aminy eto indray Izy, raha sitraky ny Tompo. Diniho.

<sup>156</sup> Ankehitriny dia hoy Izy hoe, "Itondray Aho ny—ombivavy kely telo taona, osivavy telo taona, sy ondrilahy telo taona, voromailala iray, ary domohina iray."

<sup>157</sup> Dia lasa i Abrahama ka naka an'ireo biby, ary nandidy azy ireo nisasaka ka nametraka azy ireo, isaky ny tapany; fa ny domohina sy voromailala, tsy nosarahiny ilay domohina sy voromailala. Fianakaviana iray ihany ny domohina sy voromailala. Noho izany dia naneho ny fanasitranana avy tamin'Andriamanitra izany, hoe ao amin'ireo fanekena roa dia amin'ny finoana, hitanareo, no anasitranana azy ireo; ny anankiray fotsiny mankany amin'ny hafa, iray hafa. Raha nanana fanasitranana avy amin'Andriamanitra ilay fanekena taloha, dia tsy mihoatra noho izany ve no ananan'ity Anankiray ity! Hitانareo, raha nanana fanasitranana ilay fanatitra taloha, dia ahoana ny amin'ity Anankiray izay tsaratsara kokoa ity! Hitانareo?

<sup>158</sup> Ankehitriny, fa mariho izay nataony eto. Nalainy ireo biby telo ireo dia notapahany nisaraka, ary napetrany izy ireo, isaky ny tapany. Ary avy eo dia lasa niverina i Abrahama. Ankehitriny, izany ilay fanatitra. Dia niambina izy mandra-pilentiky ny masoandro. Ary nidina avy teny amin'ny habakabaka ireo vorona mpihaza, teo ambonin'ny fanatitr'i Abrahama, ireo voltora. Dia noroahan'i Abrahama izy ireo, noroahany izy ireo.

<sup>159</sup> Tandindon'ny inona io? Taranak'i Abrahama amin'ny andro farany, mandroaka devoly hiala amin'ilay Fanatitra, mandroaka hiala amin'ilay Fanatitra. Andriamanitra no nampanantena

an'izany, ilay Fanatitra, Kristy, ilay tsy miova omaly, anio, mandrakizay, fa ireo fanahy tsy mino rehetra dia miezaka handany an'Izany. Ilay lehilahin'Andriamanitra, ny Taranak'i Abrahama, dia mitsangana eo mandroaka an'ireo devoly, hiala lavitra an'Izany! Manamarina ny fanekena ankehitriny, ilay fanamarinana, maneho fa ny Taranak'i Abrahama ao... Ny tiako lazaina dia ilay Taranaka mpanjaka mahatoky. Tsarovy, tsy nahomby ilay taranaka ara-boajanahary, satria nanaiky lalàna izy raha tokony ho ny Tenin'ny fahasoavana. Ary toy izany koa ao amin'ity "fifanjevoana" ity, ao amin'ireo Jentilisa amin'ny andro farany. Fa misy Taranaka iray, Taranaka mpanjaka miaraka amin'ny Teny, mijoro mahatoky, mandroaka devoly, manao famantarana sy fahagagana lehibe, manaisotra ny tsi-finoana rehetra hiala amin'ny Teny, mitahiry an'ilay Fanatitra hadio, mitahiry ny Teny ho masina, mitahiry Azy ampanajana; tsy mametraka na inona na inona miaraka amin'Izany, tsy manampy na inona na inona amin'Izany; mitahiry azy fotsiny, miambina, tsy mamela na inona na inona hikasika Azy.

<sup>160</sup> Mariho ankehitriny, nisy torimaso lalina tonga teo amin'i Abrahama, fahafatesana. Ary taorian'ilay torimaso lalina, dia nahita lafaoro afo iray izy, dia ny helo, nanetroka, izay tokony handehanan'ny mpanota tsirairay. Fa talohan'izany dia nisy Hazavana fotsy kely iray nandeha teo. Diniho io Hazavana fotsy kely io, nandeha teo anelanelany ary nanasaraka an'ireo fanatitra ireo, nandeha teo anelanelan'izany, Andriamanitra manao fanamarinana iray an'izay Hataony amin'ny alàlan'ny Taranak'i Abrahama.

<sup>161</sup> Ankehitriny, ireo Jiosy dia nino foana fa Iray Andriamanitra. Ary Iray Andriamanitra. Saingy naneho Izy teto, tamin'ny alàlan'ireto fanatitra madio telo ireto, fa ho voaseho ao anatin'ny Iray ao amin'ny Maha-Andriamanitra ara-batana ny triniten'Andriamanitra.

<sup>162</sup> Mariho ankehitriny tamin'ireo fahiny—ireo andro fahiny, tao amin'ireo andron'ny tatsinanana, rehefa natao ny fanekena iray, dia tahaka an'izao no nanaovan'izy ireo an'izany. Ohatra, tonga isika ka mamono biby iray, dia zaraitsika anankiroa ilay biby, ary nitsangana teo anelanelan'ilay biby isika, ary teo no nanoratantsika fanekena iray. Ankehitriny any Chine...

<sup>163</sup> Ahoana ny any Japon, rehefa manao fanekena iray izy ireo, maka sira vitsivitsy izy ireo ary mitsangana ka manao ny fampantanantenany, ary mifanipy sira izy ireo. Tahaka an'izany ny any Japon, manao fanekena iray izy ireo, manipy sira. Tsiro iray ny sira, hitanareo. Ary mifanipy sira izy ireo, izany no—izany no—no fanekena iray.

<sup>164</sup> Ankehitriny ao Amerika, ahoana no anaovantsika fanekena iray, mandeha isika ary manaikitra zavatra iray ho hanina, ka

mandray tānana hoe, “Omeo ahy ny tānanao, ry tovolahy. Ekena ve ilay izy?” “Ekena ilay izy!” Faneke na iray izany.

<sup>165</sup> Fa tamin’ny andro fahiny, tamin’ny andron’i Abrahama, ny fomba nanaovan’izy ireo fanekena iray dia namono fanatitra iray, ary mitsangana eo anelanelan’io fanatitra io; ary avy eo, rehefa nitsangana izy ireo, dia nanoratra an’ilay fifanekena teo ambonin’ny silaka hodi-janak’ondry iray, avy eo dia rovitin’izy ireo izany. [Mandrovitra silaka taratasy iray Rahalahy Branham mba hanaovana kisarisary—Mpand.] Ny iray naka silaka iray, ary ny anankiray naka an’ilay hafa. Ankehitriny rehefa nohamarinina io fanekena io ka nentina niaraka, dia tsy nisy anankiray afaka naka tahaka an’izany. Hitanareo, tsy maintsy nitovy ilay izy, ara-bakiteny, arak’izay naha-izy azy marina tokoa. Izany no maneho fa manana anjara iray ilay tompon’io ampahany ara-dalàna io, ilay faneke na iray ihany io, izay tsy maintsy atambatr’izy ireo ary ampitoviany hitovy marina tokoa.

<sup>166</sup> Ary nasehon’Andriamanitra tamin’i Abrahama teto, fa amin’ny alàlan’ny Taranany, dia ho tonga nofo Andriamanitra Izy tenany ary avy eo dia tsy maintsy ho sarahina eny Kalvary; izay Kristy, Andriamanitra teto an-tany, nosarahina Izy. Andriamanitra no nandrovitra Azy hisaraka, ilay Taranaka mpanjakan’i Abrahama, ary nanala ny Aina avy tao Aminy; ka nanangana ny Vatana, ary mipetraka eo amin’Ny Seza fiandrianany any An-danitra; ka nandefa Ny Fanahiny indray teo amin’ilay Fianganana, mba tsy maintsy ananan’ny Fianganana an’ilay Fanahy iray—iray ihany izay tao amin’i Kristy mba hanao azy hitambatra, manao an’i Kristy ho ilay tsy miova omaly, anio, ary mandrakizay! Fanamarinana an’ilay faneke na, Andriamanitra manamarina an’ilay faneke na. Andriamanitra manasaraka, mandrovitry ny Aina avy tao amin’i Kristy, Ny Zanany, manaisotra ny Fanahy avy tao Aminy; tahaka ny Nanapahany an’ireo biby ireo ho anankiroa, nitsangana teo anelanelan’ireo biby. Ilay Hazavana, Andriamanitra Izy tenany, nandeha teo anelanelan’izy ireo, naneho fa Izy no nanasaraka an’ilay Vatana: ilay Taranaka, ilay Taranaka mpanjaka; ka naka an’ilay Fanahy ary namerina Azy teo amin’ilay Fianganana. Ary ilay Fianganan’izao andro izao izay mandeha mitsena an’i Kristy, dia tsy maintsy hanana an’ilay Fanahy iray ihany izay Nananany, satria tsy maintsy Ara-Bakiteny izany, Teny amin’ny Teny. Ary Izy no Teny! Hoy Jesosy hoe, “Izy” (mpisolo anarana) “izay mino Ahy, ireo asa izay Ataoko no hataony koa.” Manamarina an’ilay faneke na, ilay Aina izay ao amin’i Kristy no ho ao amin’ilay Fianganana, ilay Taranaka mpanjakan’i Abrahama.

<sup>167</sup> Vetivety, rahalahy, tamin’ny Pentekosta. Rehefa tao amin’ny efitra ambony izy ireo... Raha efa mba tany ianareo ka nahita tena kisary iray, ny fomba nanaovana sary azy, nandeha teo amin’ny tohatra iray tety ivelany izy ireo ary niakatra nankao

amin'ny efitra ambony. Nanana fanilo kely nisy diloilon'oliva nirehitra izy ireo. Niakatra tao izy ireo nandritry ny folo andro sy alina, niaraka tamin'ny varavarana rehetra nihidy. "Ary tampoka teo dia nisy feo iray avy tany An-danitra tahaka ny rivotra mahery nifofofofo, nameno ny trano rehetra izay nipetrahan'izy ireo Izany. Lela misaratsaraka tahaka ny afo, lela afo nisampantsampana, no nipetraka teo ambonin'ny tsirairay avy tamin'izy ireo. Feno ny Fanahy Masina izy ireo, nihazakazaka nivoaka nankeny an-tokotany, niteny tamin'ny fiteny hafa."

<sup>168</sup> Mariho, inona io Afo nisampantsampana io? Ny Andry Afo izany, ny Fanahy Masina, Andriamanitra, ilay Anjely izay nitarika azy ireo nanerana ny an-efitra, ilay Anankiray izay tonga voaseho teo anatrehan'izy ireo. Nanasaraka ny Tenany Andriamanitra ka nizarazara ny Tenany teo anivon'ny olona, ny Fanahy Masina, ary isika miaraka no ilay Fiangonan'Andriamanitra velona. Fanekena iray! "Abrahama sy ny Taranany manaraka azy, ilay Taranaka mpanjaka." Ilay tena Aina izay tao amin'i Kristy mihitsy, no ao amin'ilay Fiangonana, manao an'ireo asa iray ihany izay nataon'i Kristy. Amena. Zavatra iray mahafinaritra toy ny inona, ry sakaiza!

<sup>169</sup> Tonga mihitsy ny fotoana, tsy maintsy hamarana an'ity fotsiny aho. Eny, ho tara loatra aho. Izaho dia... Mety tsara ve raha alaiko eto mihitsy ilay izy rahampitso hariva? Te-ho tonga mafy mihitsy eo amin'ny Jehovah-Jire aho. Saingy tiako ho hitanareo hoe inona ilay izy, ilay zavatra izay milaza fa Kristiana iray, ry rahalahy, izao no fotoana izay ananan'ny fiangonana ny... Raha nanao an'ireo teny fikasana ireo Andriamanitra, dia marina izy ireo. Tsy maintsy miseho izy ireo.

<sup>170</sup> Ndao isika hanondrika ny lohantsika vetivety fotsiny. Mafy sy sarotra izany. Mandidy izany. Tsy tiako ny hanao an'izany. Nilaza tamiko io mpitoriteny io, hoy izy hoe, "Rahalahy Branham, nahoana *izao-sy-izao*, izany no ataonao?"

<sup>171</sup> Hoy aho hoe, "Tsy manana fandaharan'ny televiziona ho tohanana aho, radio. Mandeha tahaka an'izao fotsiny aho, izay ahafahako mandeha na aiza na aiza." Hoy aho hoe, "Iza no hiteny amin'izy ireo? Tsy maintsy misy feo iray any ho any hilaza an'izany."

<sup>172</sup> Ankehitriny dia eto Andriamanitra, ry sakaiza. Ary raha niantso ny tenanareo ho ilay Taranak'i Abrahama ianareo, ka mihevitra fa ianareo... Ankehitriny aza... Henoy, ny fanahinareo ilay izy, ry sakaiza. Ny fanahinareo ilay izy. Aza maka anjara amin'izany, satria izao hariva izao no mety ho fotoana farany anananareo anjara iray. Raha menatra ny fiainanareo ianareo, miantsy ny tenanareo ho zanak'Andriamanitra, ary miaina ny fomba izay niaiananareo; nefo mino ianareo fa marina ny Tenin'Andriamanitra, ka diso

ianareo, dia tiako fotsiny ianareo hivavaka vetivety, mangataha an'Andriamanitra handinika ny fiainanareo. Mivavaha fotsiny.

<sup>173</sup> Ray any An-danitra, mety ho ity no hariva farany ho an'ny maro aminay. Mieritreritra izahay, hariva vitsy lasa izay teto Los Angeles, vehivavy antitra iray fitopolo taona no nipetraka teo, ary nanatona ny alitara izy ka nanolotra ny fiainanry ho an'i Kristy. Maty teo am-pandriany izy tamin'io alina io. Ny fahasoavan'Andriamanitra, ilay ora farany. Rehefa avy naina an'ireo taona rehetra ireo tsy nahafantatra Azy, avy eo dia niantso azy tamin'ny ora farany. Fahasoavana mahagaga.

<sup>174</sup> Andriamanitra Ray, mitenena amin'ny fo eto izao hariva izao. Ianao no mahafantatra ny fikasan'izao. Fantatrao, Ray, izany dia—tsy maintsy tonga ny fotoana izay tsy maintsy hisy zavatra iray ho vita. Izahay—hitanay ilay toe-javatra, sy ny fomba izay mahalasa azy miharatsy foana. Ary fantatray fa ny taonan'ny fiangonana Pentekotista, amin'ny andro farany, dia ny Taom-Piangonana Laodikia, ilay anankiray tokana izay nandroahana an'i Kristy any ivelan'ny fiangonana, nitsangana, nandondòna niezaka mba hiverina hiditra. O Andriamanitra, mamindrà fo.

<sup>175</sup> Ary raha nandevilevy an'ireo anabavinay aho izao hariva izao, Tompo, dia aoka ho fantatr'izy ireo fa tany amin'ny voalohany, rehefa nanomboka izany, dia i Eva ilay izy. Ary eto indray izany. Tonga tamin'ny alàlan'ny Teny ny Filazantsara, ary ahoana fa nanao an'izay nataony izy (ary jereo androany) tamin'ny alàlan'ny fandanjalanjana; jereo ny reniny, izay noheveriny ho hafa, ilay Baiboly iray ihany.

<sup>176</sup> Andriamanitra, ireo rahalahinay, raha tsy maintsy mafy no niresahako tamin'izy ireo, Tompo. Mafana ny foko, izaho—izaho—tiako izy ireo. Fantatrao fa tia aho, Tompo. Izaho—izaho—efa nametraka iraika amby telopolo taona teto aho ho azy ireo, ary nanamarina Ny Teninao Ianao, sy ny zavatra hafa rehetra. Tompo, tsy fantattro hoe inona koa no hataoko. Fa rehefa mahita ny fiangonana izay tiako aho, ilay fiangonana Pentekotista, ilay anankiray izay nitsangana taoriako ka nanohana ahy; Andriamanitra, ny fitiaviana Kristiana no manao Anao hanaisotra ny ratsy hiala aminy. Ny fitiaviana no manao Anao hanao an'izany, Ray. Fantatrao fa izany ilay izy. Ary miezaka aho ny miteny amin'ny olona hoe, "Aza manandrana mandeha any, manao an'ireo zavatra ireo." Ireo—efa navela hilatsaka ireo fefy, ary nafoy tamin'ny alàlan'ireo fanekem-pinoanay samihafa sy ny sisa izahay izay nampidirinay tao amin'ny fiangonana, ka nanalavitra an'ireo andron'ny fahagagana, nanalavitra ny fanasitranana avy amin'Andriamanitra, nanalavitra ny—ny fomba tokony hihetsehan'ny olona sy iakanjoany.

<sup>177</sup> Ary nanao fanekena iray tamin'i Adama Ianao, ary anankiray tamin'i Eva; nametraka fanekena samihafa Ianao, ary

samihafa tanteraka, ka nilaza fa ratsy ho an'ny vehivavy ny mihetsika tahaka ny lehilahy. Tokony ho vavy izy. Tokony ho vavy izy fa tsy lahy. Ary amin'izao andro izao dia miezaka ny ho lahy izy; ilay lehilahy, ho vavy.

<sup>178</sup> Tompo, ary—ary eto amin'ity andro farany ity mihitsy, eto amin'ny Morontsiraka Andrefana mihitsy, eto amin'ny faran'ny fandrosoana mihitsy, dia hitanay ireo vehivavy manao marina tokoa an'ilay fahalòvana tahaka ny nataon'izy ireo tany amin'ny voalohany. Ary eto ilay izy, miditra eo anivon'ireo anabavinay. O Andriamanitra, manimba ny foko mihitsy izany, Tompo. Ary fantattro fa raha izany no manao ahy (mpanota iray) hahatsapa tahaka an'izany, dia inona no ataon'izany Amina, ny mahita hoe ahoana fa lasa andriamanibavy iray izany. Ary ity fanjelaran'ny fahotana an'i Hollywood malaza ity! Ary ratsy ho azy ireo fahiny ny mandeha mankany amin'ny fampisehoana cinema, avy eo dia ny devoly no nanipy an'izany avy hatrany tao an-tranon'izy ireo, sy—sy ireo karazana programa rehetra, ary faharatsiana eny andalàmbe.

<sup>179</sup> Ary, O Andriamanitra, izany no—izany no fotoan'ny marary saina iray. Fotoan'ny fikorontanan-tsaina izany. Izany no—izany no fotoana izay tsy hijanonan'ny olona sy ihainoany, ary handininhany. Ary eo ambanin'ny fientanam-po, sy ny sisa, dia mbola mihambo ho Taranak'i Abrahama foana izy ireo. Andriamanitra, toy ny ahoana no Nilazanao fa ho izany ilay izy, ho tena hifanakaiky ireo fanahy amin'ny andro farany, miaraka amin'ny fakan-tahaka, hany ka saiky mamitaka an'Ireo voafidy izany, raha azo natao. Ary eto izany. Andriamanitra, aza mamela an'ireto olona ireto, aza mamela anankiray hanao an'izany. Azafady, Ray. Mivavaka ho azy ireo aho, ny tsirairay avy. Amin'ny Anaran'ny Tompo Jesosy, ekeo izany.

<sup>180</sup> Ankehitriny raha mbola manondrika ny lohantsika isika. Hanao ny zavatra rehetra ho anareo aho. Ary raha nivazavaza olona aho mba ho ratsy fanahy fotsiny, dia tsy hiaraka amiko mihitsy Andriamanitra; tsy mendrika ny ho eto aho, mendrika ny ho any ivelany any ho any aho mikapa hazo na zavatra. Fa, ry sakaiza, izany—marina izany, karohy izany dia jereo raha tsy izany no Soratra. Ary natao ho voambara izany amin'ity andro farany ity.

<sup>181</sup> Ankehitriny dia tso-po betsaka ve ianareo? Izany marina tokoa ve ianareo, ao ambanin'io valopy ivelany io, tena misy zavatra tena izy ve mikasika anareo ao, ka vonona ianareo ny hanaiky fa diso ianareo? Raha mbola miondrika ny loha rehetra, ny fo rehetra, ary fanokanan-tena mihaja lalina, dia hanangana ny tànanareo ve ianareo, hanao hoe, "Mivavaha ho ahy, Rahalahy Branham. Diso aho. Nohon'ny fahasooavan'Andriamanitra dia hahitsy aho"? Andriamanitra hitahy anao, ianao, ianao, ianao. Marina izany, atsangano ny tànanareo, Hitany izany. Eny

ambony rihana, mahita anareo Andriamanitra. Atsangano ny tānanareo. Ianareo ve—ianareo... Izay ilay izy.

<sup>182</sup> Ankehitriny eto dia misy ny sasany aminareo vehivavy mipetraka eto miaraka amin'ny volo fohy, nefà tsy nanangana ny tānanareo. Inona ny olana aminareo? Diso ianareo! Aza miezaka hihona amin'Andriamanitra tahaka an'izany. Ho voaheloka ianareo azo antoka tahaka ahy mitsangana eto amin'ity polipitra ity. Ny tianareo lazaina ve dia hoe tafiditra ao anatin'ny endrika iray tahaka an'izao ny fiangonana Pentekotista ka ilay izy dia—ilay izy dia—lasa tena feno kitro izy hany ka menatra izy ny hanaiky fa diso? Aza manao an'izany. Hamindra fo aminareo anie Andriamanitra.

<sup>183</sup> Mino aho. Manàna finoana. Mamelà ahy hiandry indray. Hitahy anao ery anie Andriamanitra, ry malala. Andriamanitra hitahy anao, ranabavy. Tsara izany. Atsangano... Izany... Andriamanitra hitahy anao. Marina izany. Tokony hanaiky an'izany ianareo ankehitriny; mety ho tara loatra ny ampitso maraina, mety ho tara loatra ny ora iray manomboka izao. Andriamanitra hitahy anao. Izany no fahatsoram-po. Andriamanitra hitahy anao. Manaova hoe, “Diso aho.” Mila tena olona iray izany hanaiky fa diso izy ireo. Izany no zavatra tena izy. Andriamanitra hitahy anao, ramatoa. Andriamanitra hitahy anao, ramatoa. Andriamanitra hitahy anao. Marina izany. Eny, manohiza mivavaka fotsiny. Andriamanitra hitahy anareo. Raha diso amin'ny fahitana ny tānanareo aho, Izay tsy diso. Fantany ny eritreritra tsirairay izay ao an-tsainareo. Marina tokoa izany. Andriamanitra hitahy anao, hitako ny tānanao. Tsara izany. Andriamanitra hitahy anao, ramatoa tanora. Andriamanitra hitahy anao, ranabavy. Tsara izany.

<sup>184</sup> Andriamanitra hitahy anao ery, ramatoa tanora. Eny, ny fihodinan-dàlan’ny fiainana. Alohan’ny hanisian’ireo zavatra taloha kitro ny fonao tanora, dia miverena amin'Andriamanitra ankehitriny, ry malala. Marina izany, ataovy izany. Manana zanakavavy kely iray aho ery saiky eo amin'ny taonanao. Andriamanitra hitahy anao, ry malala. Andriamanitra hitahy anao. Eny, Andriamanitra hitahy anao, ranabavy.

<sup>185</sup> Ahoana ny aminareo, rahalahy? Mbà menatra ianareo, mamela ny vadinareo hihetsika tahaka an'izany ary manao sorta, sy miakanjo tahaka an'izany ary mandeha eny andàlambe. Miantso ny tenanareo ho zanak'Andriamanitra iray ve? Tsy menatra ny tenanareo ve ianareo? Andriamanitra hitahy anao. Andriamanitra hitahy anao, tompoko. Andriamanitra hitahy anao. Marina izany, manaiky fa diso ianao. Hia. Raha ianareo...

<sup>186</sup> “Izay manafina ny fahotany tsy ho ambinina; izay miaiky ny fahotany no hahazo famindrampo.” Andriamanitra hitahy anao. Mbola misy ve? Ery aoriana eny ambony rihana, ery ambony

rihana. Mahita anareo eny ambony eny Izy. Fantany ny eritreritra rehetra izay ao am-ponareo.

Ankehitriny dia atrakao iray minitra fotsiny ny lohanareo.

<sup>187</sup> Milaza aho fa misy eo amin'ny dimampolo na enimpolo eo ato amin'ity efitra ity no nanangana ny tānany, tanora sy antitra. Misaotra anareo. Izany no tena ramatoa sy rangahy. Mankasitraka anareo aho. Misy ny—misy ny fanantenana rehefa vonona ianareo ny hanaiky fa diso ianareo.

<sup>188</sup> Alohan'ny anaovako antso iray eny amin'ny alitara, dia hivavaka ho an'ireto mosara ireto aho.

<sup>189</sup> Ray any An-danitra, misolo tena ny olona marary ireto mosara ireto, ray sy reny izay miandry, ankizy. Indray mandeha, dia nampianarina izahay ao amin'ny Baiboly, fa nalain'izy ireo avy tamin'ny vatan'i Masindahy Paoly ireo mosara sy aron'akanjo. Nahita azy ny olona, nahafantatra fa teo aminy ny Fanahin'Andriamanitra. Tsaroan'i Paoly fa i Elisa no niteny tamin'ilay vehivavy Sonemita, izay niteny tamin'i Gehazy hoe, "Ento ity tehina ity ka mandehana apetraho eo amin'ilay ankizy." Fantany fa izay nokasihany dia voatahy. Paoly, nalain'izy ireo avy teo amin'ny vatany ireo mosara sy aron'akanjo, ka nivoaka tamin'ny olona ireo fanahy maloto, ary lasa ireo aretina. Ankehitriny, Tompo, tsy Masindahy Paoly izahay, fa mbola Andriamanitra foana Ianao, ilay Andriamanitra tsy miov'a.

<sup>190</sup> Indray andro dia teo amin'ny lālany tao amin'ny laharan'andraikitra mihitsy ny Isiraely, nandeha nankany amin'ilay tany nampanantenaina. Ary nisy zavatra nanapaka azy niala teo amin'ilay tany nampanantenaina, ilay Ranomasina Mena. Hoy ny mpanoratra iray hoe, "Nijery nidina tamin'ny alàlan'io Andry Afo io Andriamanitra, niaraka tamin'ny maso tezitra, ka natahotra ilay ranomasina, ary nanemotra an'ireo rindriny izy ka nanokatra lālana maina hiampitan'ny Isiraely hankany amin'ilay tany nampanantenaina."

<sup>191</sup> Andriamanitra, rehefa entina mankany amin'ny marary sy ory ireto mosara ireto, dia enga anie hijery midina amin'ny alàlan'ny Ràn'Ny Zanany Manokana ilay Andriamaniry ny Lanitra, enga anie ny devoly, izay mihazona an'ireo olona marary ireo, hatahotra ka hiala rehefa ireo mosaran'ny famantarana an'ity favoriana ity izao hariva izao, izay nahavoaseho ny Teny sy ny Fahamarinana; ho salama anie ny marary sy ory; ireo fo izay simba, ka handeha ao an-Tranon'ilay Mpanefy afaka minitra vitsy; ekeo mba hiala ilay devoly, ka hiampita mankany amin'ny tanin'ny fahasalamana tsara izay nampanantenain'Andriamanitra azy ireo ny olona. Mandefa an'ireto mosara ireto aho, amin'ny Anaran'i Jesosy Kristy, ho an'izany tanjona izany. Amena.

<sup>192</sup> Ary Andriamanitra mahafantatra ny fonareo. Mahafantatra ny toeranareo Izy. Mba hanehoana fotsiny; ary mamele ahy hiteny aminareo, misy andian'olona lehibe ato izay tsy nanangana ny tanany, izay tokony hanangana an'izany. Ankehitriny, raha miantsa anareo avy hatrany avy eto amin'ity lampihazo ity aho, hilaza hoe iza ianareo, dia handratra ny fihetseham-pon'olona iray izany. Ankehitriny, efa nahita ahy nanao an'izany imbetsaka ianareo. Hitako, hoy Jesosy hoe, "Avelao hiaraka haniry ny ahi-dratsy sy ny vary. Ho avy ireo anjely ka hamatotra an'ireo tsimparifary ary handoro azy ireo, aloha."

<sup>193</sup> Ary izao no fotoan'ny famatorana ankehitriny. Ny tsirairay avy amin'izy ireo dia hiditra ao anatin'ilay fiombonamben'ny fiangonana, ireo anaram-piangonana rehetra. Marina izany. Marina izany. Ligy Maneran-tany, Fiombonamben'ny Fiangonana, miditra ao anatin'izany avy hatrany ny anaram-piangonana tsirairay, mandeha ilay zavatra goavana. Izy rehetra ireo dia hiverina any Roma araka ny nampanantenain'izy ireo hoe, "sary iray ho an'ny bibidia," ilay hery, fiombonamben'ny fiangonana, izay nolazain'Andriamanitra marina tokoa fa hiseho. Eo izy ireo izao, mamela anareo handeha, ary miteny aminareo fa mety tsara ny manao an'ity, ary matahotra ny hilaza zavatra mikasika an'izany, matahotra fa hanapaka ny tapakilan-tsakafo izany any ho any.

<sup>194</sup> Mamele ahy hiteny zavatra aminareo, ry rahalahiko, ranabaviko, Andriamanitra anie hanambara aminareo fa tiako ianareo. Tsy ny ho hafa ilay izy; ilay izy dia ny hahitsy fo. Aza maka anjara anankiray. Tsy handika jiro mena iray ianareo, nohon'ny vatanareo. Ahoana ny amin'ny fanahinareo? Aza miampita ny iray amin'ireo jiro menan'Andriamanitra.

<sup>195</sup> Marary ny sasany aminareo. Minoa amin'ny fonareo rehetra. Olona iray izay mamoy fo amin'ny zavatra iray, manana finoana fotsiny. Hasehoko anareo raha Izy marina tokoa, raha izany no Fahamarinana na tsia. Abrahama, tsaroanareo ve fa tonga teo aminy ilay Anjely ary inona no Nataony? Jereo raha tsy ilay zavatra iray ihany izany.

<sup>196</sup> Indro misy ramatoa kely iray mipetraka eto mihitsy, eto mihitsy, trathy ny homamiadana izy. Trathy ny kysta izy, ary vonona ho an'ny fandidiana iray. Mijery ahy izy ankehitriny, ary ireo vakana mena manodidina ny tendany. Avy any Portland ianao. Fa raha ianao no... Raha marina izany, dia atsangano ny tanananao. Marina izany. Hitanao? Tsy mahafantatra anao aho, vahiny isika. Fa marina izany. Ankehitriny ahoana no ahafahanao mipetraka eo, miaraka amin'ny finoana ampy mba hikasika ny lamban'i Kristy rehefa tonga teo amboninao tahaka an'izany io Anjelin'ny Hazavana io, ny fahasoavan'Andriamanitra? Ekeo Izany, ramatoa. Inoy Izany. Tsy izany ihany, fa minoa ny Filazantsara manontolo.

<sup>197</sup> Indro mipetraka eto aoriana eto mihitsy ny vehivavy iray. Jereo aty, ramatoa. Mijaly amin'ny aretin'ny taolan-damosina. Minoa amin'ny fonao rehetra. Eny, vahiny amiko ianao. Minoa amin'ny fonao rehetra, ary aoka ho salama.

<sup>198</sup> Misy lehilahy iray mipetraka eo akaikinao, tsy maintsy handeha hody izy. Tsy afaka mijanona ela izy. Tratry ny aretina izy eo amin'ny sofiny. Tratry ny aretina iray izy miaraka amin'ny... Tratry ny tazo izy, ary niteraka kohaka. Tsy mety afany izany, ilay izy dia—ilay izy dia karazana fa—fahasarotana betsaka no mipetraka ao. Marina izany, tompoke. Miasa ao amin'ny karazana orinasa toy ny mpanamboatra bala ianao na zavatra tahaka an'izany. Tsy maintsy handeha hiverina amin'ny asanao ianao. Vahiny aminao aho. Raha marina ireo zavatra ireo, dia atsangano ny tànanao. Eny àry. Raha manana finoana ampy hikasihana ny Tompo Jesosy ianao, dia nahoana no tsy ho tena lehilahy iray ka hino an'izany amin'ny fonao rehetra?

<sup>199</sup> Misy ramatoa iray mipetraka ery aoriana ery, tratry ny karazana aretin-koditra izy eo amin'ny tànany. Tsy fantany akory aza hoe inona ilay izy. Tsy fantatry ny dokotera akory aza hoe inona ilay izy. Efa an-taonany sy an-taonany no nananany an'izany. Oh, ho diso an'izany izy, azo antoka tahaka an'izao tontolo izao. Ramatoakely Daniels, McDaniels. Eo ianao izao. Ida McDaniels, minoa amin'ny fonao rehetra. Tsy fantatro ilay vehivavy, tsy mbola nahita azy mihitsy. Fa eo amboniny eo ilay Hazavana.

<sup>200</sup> Inona Izany? Mahafantatra anareo Izy! Ary Fantany fa diso ianareo! Ilay Andriamanitra iray ihany izay miresaka amin'ny alàlako tahaka an'izao, no miresaka amin'ny alàlako amin'ny alàlan'ny Teny.

<sup>201</sup> Ankehitriny, ny tsirairay avy ato izay manaiky ny Fanatrehan'Andriamanitra, ary mahafantatra fa efa diso ianareo, ndao isika hanatona ny alitara ankehitriny. Tongava eto iray minitra fotsiny, mamele ahy hivavaka ho anareo. Raha fantatrareo fa efa diso ianareo, te-hiaiky ianareo fa diso. Te-ho tena Kristiana iray ianareo manomboka izao, tongava eto manodidina ny alitara. Tsy te-hiantso ny anaranareo fotsiny aho, izany—tsy hitovy amin'ny Kristiana izany. Ny ery ambony rihana ery, midina, izao no fanararaotranareo. Midina ankehitriny! Manatona ny alitara, manaova hoe, "Avy aho, Tompo." Ry mpanota, tadiovo ny làlanareo manketo amin'ny alitara, izao no mety ho fanararaotranareo farany. Tsy ho avy ve ianareo ankehitriny raha mbola isika... mitendry tsara tarehy ny orga, "Tamy aho, Tompo, manatona Anao ankehitriny." Eny àry, ny olona rehetra mihira ankehitriny.

Tamy aho, Tompo!  
Manatona Anao ankehitriny!

<sup>202</sup> Tsy ho avy ve ianareo? Midina avy eny ambony rihana, midina. Avia. Ahoana ny aminareo, ianareo olona izay milaza ho Kristiana, Taranak'i Abrahama? Andriamanitra hitahy anareo, ry vehivavy. Andriamanitra hitahy anareo, ranabavy. Eny. Azo antoka fa hanaja an'izany Andriamanitra. Mahitsy fo ianareo. Angamba diso tamin'ny filazana an'izany taminareo ny pasiteranareo. Mandehana mody dia raiso ny Baibolinareo, ka jereo raha marina izany, na tsia. Fantatrareo fa marina izany, alohan'ny ilazako zavatra iray mihitsy aza. Ianareo vehivavy Pentekotista, tsy tokony hanao lokon-tarehy ho an'ny inona na inona ianareo. Tsy misy na inona na inona mikasika ny lokon-tarehy ao amin'ny Baiboly; Jezebela ireny ihany, izy no nanamboatra ny tarehiny sy ny karazany, niaraka tamin'ny loko sy ny karazany. Fa misy ao amin'ny Baiboly ny amin'ny fitondranareo volo lava, “Zavatra tsy mendrika ho an'ny vehivavy akory aza ny mivavaka miaraka amin'ny volony fohy, volo tapaka.”

... Anao!

<sup>203</sup> Te-hahitsy amin'Andriamanitra ve ianareo, ao amin'ny Fanatrehana raha mbola eto Izy? Avia! Mitsangàna, tohano Izy! Mitsangàna ka midina, manaova hoe, “Tamy aho. Izaho dia—hanao fanehoana iray aho. Tiako ho fantatr'izao tontolo rehetra izao fa diso aho, ka te-hahitsy eo anatrehan'Andriamanitra.” Avia ankehitriny!

Tamy aho, Tompo!

Manatona Anao ankehitriny!

Sasao aho, diovy ao amin'ny Rà aho

Izay nikoriana avy teo Kalvary.

Indray mandeha indray, ny olona rehetra!

Tamy aho . . .

Avia. Mbola misy betsaka ery, tsarovy. Eny, marina izany.

. . . aho, diovy ao amin'Ny Rànao aho

Izay nikoriana avy teo Kalvary.

<sup>204</sup> Misy olona mbola tonga foana, manohiza mivavaka fotsiny. Ankehitriny, ry sakaiza, tsy mpandresy lahatra loatra aho. Mino aho fa ny Teny no manao ny Asany rehefa mivoaka Izy. Aza mampalahelo ny Fanahy Masina. Izao no mety ho fanararaotra farany izay hany hanananareo; manantena aho fa tsy izany ilay izy. Fantatrareo ve hoe inona no ataony mahita anareo rehefa manaiky ianareo fa diso? Izany dia milaza amiko fa misy zavatra tena misy eo, hoe te-hanao ny tsara marina tokoa ianareo. Ankehitriny miaraka amin'ny orga fotsiny, moramora raha sitrakareo, raha mbola miresaka aho. Avia, ry olona, avia fotsiny mihitsy. Tiako hanohy ho avy ianareo. Fantatrareo ve izay nataon'ireto olona ireto? Maro amin'izy ireo no mambra mpanorina fiangonana, ary fantatr'izy ireo fa niteny ny Fahamarinana aho.

<sup>205</sup> Tsy izaho. Tahaka an'i Mosesy fotsiny rehefa nandeha tany hiteny amin'ny olona mikasika ny Tompo; ary ny Tompo, teo ambanin'io Andry Afo io, dia nanamarina ny Teny ary naneho fa marina Izany. Miaraka amintsika eto mihitsy io Andry Afo iray ihany io. Izany ilay Kristy iray ihany, manao an'ilay zavatra iray ihany ho an'ny taonan'ny Jentilisa, araka ny Nampanantenainy fa hatao.

<sup>206</sup> Inona no manao ahy hino? Hoe tena izy ianareo ao am-ponareo. Inona no nanao anareo hitsangana? Satria misy Zavatra nanodidina anareo, izay nanao hoe, "Diso ianao." Andriamanitra izany ankehitriny, satria ny sasany aminaren dia nahatsapa ho saikatra ny hitsangana teto tahaka an'izao teo anatrehan'ny olona, rehefa avy niaiky. Fa izany no maneho an'io Zavatra tena izy io Izay nanao hoe, "Diso ianao," ary tonga niaraka tamin'ny Teny Izany, tamin'ny alàlan'ny famantarana. Tamin'ny alàlan'ny . . .

<sup>207</sup> Ho an'ny inona no nandefasana an'ireo fanomezam-pahasoavana ho an'ny fiangonana? Inona ilay fanomezam-pahasoavana voalohany? Inona ilay zavatra voalohany? Apostoly (izany hoe misionera), mpaminany, mpampianatra, pasitera, evanjelista. Ho an'ny fanatanterahana an'ilay Fiangonana izy rehetra ireo.

<sup>208</sup> Ary aiza no ahatongavan'ny Tenin'ny Tompo, amin'iza? Tonga tamin'ny mpaminany ny Tenin'ny Tompo, isan'andro, tsy isalasalana mihitsy. Tsy fanomezam-pahasoavan'ny faminaniana; ny fanomezam-pahasoavan'ny faminaniana dia eo amin'ny anankiray, ary avy eo ilay hafa. Ny mpaminany iray dia nateraka, voafidin'Andriamanitra mialoha. Jesosy Kristy no Zanak'Andriamanitra, Zanak'Andriamanitra voafidy mialoha. Niteny an'i Jaona i Isaia, Jaona Mpanao-batista, roa ambin'ny folo sy fitonjato taona talohan'ny nahaterahany, hoe izy "no feon'ny anankiray miantso any an-efitara." Niteny an'i Jeremia Andriamanitra hoe, "Talohan'ny hany niforonanao tao an-kibon'ny reninao mihitsy aza, dia efa nahafantatra anao Aho ary nanamasina anao, ka nanendry anao ho mpaminanin'ny firenena." Ary rehefa mahita mpaminany miseho ianareo, dia antomotra ny fitsarana.

<sup>209</sup> Ankehitriny, "Ny fitsarana dia manomboka ao an-Tranon'Andriamanitra, miaraka amin'ny vahoakan'Andriamanitra." Ankehitriny dia diso isika! Nanao ratsy isika. Ary mino aho fa ireo izay mipetraka eto izao hariva izao, dia izany no Taranak'i Abrahama ary voafidy mialoha marina tokoa ho amin'ny Hazavan'Andriamanitra mamiratra eo amboniny; rehefa mandòna azy ilay Hazavana, dia hitsangana izy ireo. Misy zavatra tsy maintsy mitranga, eo ianareo izao! Ankehitriny dia eto ianareo, ndao isika hanondrika ny lohantsika ka hiaiky ny fahadisoantsika.

<sup>210</sup> Ry sakaiza mpanota, raha mitsangana ao anatin'ity vondrona eto ity ianareo, izay misy vitsivitsy, mbà menatra ianareo; fa ho anareo ireo fitahiana ankehitriny, nanaiky an'izany ianareo, nino an'izany tamin'ny fonareo rehetra.

<sup>211</sup> Ianareo Kristiana, ianareo vehivavy izay mahafantatra, mino aho fa vehivavy tsara ianareo. Andriamanitra hitahy anareo. Mino an'izany aho. Afaka maneho ny fahatsapan'ny foko aminareo Andriamanitra. Tsy te-ho ratsy fanahy aminareo aho, ranabavy; izaho dia manana vady iray, ihany koa, ary roa—zazavavy tanora roa. Tiako ianareo amin'ny maha-anabaviko.

<sup>212</sup> Ary, rahalahy, tsy te-handratra ny fihetseham-ponareo aho, fa matetika fanozongozonana kely amin'ny Teny no manampy anareo.

<sup>213</sup> Ankehitriny, raha diso isika, dia ndao isika hilaza fa diso isika. Ary misy—misy fahasoavana, betsaka, ho antsika izao hariva izao. “Izay hiaiky ny fahadisoany, dia misy famindrampo ho azy. Izay manafina ny fahotany, dia tsy ho ambinina mihitsy.” Inona ny fahotanareo? Ny tsi-finoanareo. Raha afeninareo ao ambany izany, manao hoe, “Eny, tsara mihitsy tahaka ny sisa amin’izy ireo aho.” Diso ianareo. Ary tsy handeha lavitra noho izay andehananareo ankehitriny mihitsy ianareo. Hijanona tahaka an’izao ianareo, tsy handeha lavitra mihitsy ianareo mandra-piampitanareo an’io sakana io ka manitsy an’izany. Tsarovy, tsy afaka manao an’izany ianareo; tsy maintsy mandalo amin’ny Tenin’Andriamanitra ianareo.

<sup>214</sup> Ary raha mbola velona foana ianareo, dia hahatsiaro an’ity foana. Ny andro lava indrindra ahavelomanareo, dia hahatsiaro an’izao hariva izao ianareo. Tsarovy, miteny aminareo aho HOY NY TOMPO HOE! Nipetraka tany anaty ala aho tamin’ity tolakandro ity, nivavaka, niresaka tamiko mikasika an’ity eto ity Izzy, nanao hoe, “Lazao ilay izy ary antsoy ilay izy, dia hanao zavatra ho anao Aho.” Ary indro ilay izy.

Ndao isika hivavaka ankehitriny.

<sup>215</sup> Ray any An-danitra, am-panajana sy amim-pahatsoram-po no itsanganan’ireo mpanota ao amin’ity mpanatrika ity izao ankehitriny izao. Nitsangana avy teo amin’ny sezany izy ireo ka nandroso eto, mba hanao fiaikena iray fotsiny. Misy ireo Kristiana izay tonga, nanao ny fiaikeny.

<sup>216</sup> Eto ireo anabavy kely sarobidy izay nanjelaran'ilay Hazavana teo amin’izy ireo, tao ambanin’ny fon’izy ireo dia fantany fa diso izy ireo, fantany fa ny Baiboly no mampianatra an’ireo zavatra ireo, ka vonona izy ireo ankehitriny ny handao an’izany rehetra izany.

<sup>217</sup> Indro ireo rahalahy mitsangana eto, rahalahy sarobidy, zanakalahin’Andriamanitra velona, izay, tamin’ny alàlan’ny fanekem-pinoana sy toerana matimaty, dia nirenireny tao

amin'izao tontolo izao. Miverina izy ireo izao hariva izao, Ray. Miverina izy ireo. Izy ireo dia, eto izy ireo.

<sup>218</sup> Ankehitriny, Ray, fantatray fa rehefa nitsangana izy ireo, izy ireo dia nanimba... Ireo siantifika rehetra, nilaza izy ireo fa tsy afaka miakatra ianareo, voatazona eto ambany ianareo. Fa rehefa nanangana ny tànany izy ireo ka nandroso tahaka an'izao, dia nopofofin'izy ireo fa nisy Fanahy iray tao anatinhy izay afaka naka fanapahan-kevitra iray. Nataon'izy ireo ho an'i Kristy izany.

<sup>219</sup> Jesosy, ity Ny Teninao Manokana, ary hanonona azy ireo Aminao fotsiny aho.

<sup>220</sup> Atolotro Anao ireto olona ireto izao hariva izao, amin'ny maha-Mpanomponao. Nanao arak'izay Noteneninao tamiko mba hatao fotsiny aho, androany tany anaty ala, ary indro fa niseho marina tokoa izay Nolazainao. Ary misy vavolombelon'ireo zavatra ireo, mitsangana eto. Mba hanaporofo Ny—Ny Fanatrehano, nandeha nitety ny mpanatrika Ianao, niteny tamin'ny olona mikasika ny hoe iza izy ireo ary taiza... izay nataon'izy ireo, sy ny sisa, nahafantatra ny olona, ireo anarana, ary iza izy ireo sy izay nataon'izy ireo, inona no tsy nety.

<sup>221</sup> Ary ankehitriny dia nilaza Ianao ao amin'Ny Teninao, hoe, "Izay hanaiky Ahy eo anatrehan'ny olona, dia hanaiky azy Aho eo anatrehan'Ny Raiko sy ireo Anjely masina. Izay menatra Ahy eo anatrehan'ny olona, dia ho menatra azy Aho eo anatrehan'Ny Raiko sy ireo Anjely masina." Ankehitriny ireto anabavy sy ireto rahalahy ireto dia nitsangana izao hariva izao tao amin'ny fanatrehan'ny mambran'izy ireo sy ireo pasiterany, ary ireo malalany, mba hilaza fa—fa tsy menatra Anao izy ireo, fa menatra ny amin'ny fomba izay nataony. Ankehitriny dia azoko antoka, Tompo, fa mamela azy ireo Ianao. Ianao no nampanantena an'izany. Hoy Ianao hoe, "Izay hiaiky ny fahotany, no mahazo famindrampo." Ary miaiky an'izany izy ireo, ka hahazo famindrampo. Ary Ianao Izay afaka manasitranay marary, ka manao hoe, "Tsy mora ve ny milaza hoe, 'Navela taminao ny fahotanao,' noho ny hoe 'Ento ny fandrianao ka mandehana'?"

<sup>222</sup> Mitaky azy ireto aho. Izaho—mitaky ny tsirairay avy amin'izy ireo aho, Tompo. Niezaka aho ny nanohana Anao nandritr'ireo taona rehetra ireo, sy Ny Teninao. Ary nanohana Anao izy ireo izao hariva izao, ka mitaky azy ireo aho. Esoriko avy amin'ny valanoranon'izao tontolo izao izy ireo, ka atolotro Anao izy ireo, Tompo Jesosy. Izy ireo no amboaran'ny Hafatra izao hariva izao, an'ny Tenin'Andriamanitra. Tehirizo izy ireo, Andriamanitra Tsitoha, eo ambanin'Ny Herinao Masina. Enga anie izy ireo hitombo, enga anie ilay Hazavan'Andriamanitra hanjelatra ao amin'ny fianan'izy ireo. Enga anie ireto lehilahy

sy vehivavy ireto, Tompo, hanomboka hitombo amin'ny hery sy tanjaky ny Fanahy Masina. Enga anie hisy zavatra hiseho izay hanova ny fiangonan'izy ireo manontolo ary—ary ny mpiara-monina manontolo izay misy azy ireo. Ekeo izany, Tompo. Atolotro Anao izy ireo, Anao izy ireo. Izy ireo—izy ireo no amboaran'ny favoriana izao hariva izao, an'ny Teny izay efa voatory. Mitaky ny ain'izy ireo aho, amin'ny Anaran'i Jesosy Kristy. Te-hihaona amin'izy ireo aho any amin'ilay ilany hafa, rehefa tsy mety maty izy ireo, niverina ho lehilahy sy vehivavy tanora indray, ary ho tanora sy maha-te-ho tia mandrakizay. Anao izy ireo, Ray. Izy ireo no amboara izay nomen'Andriamanitra ho an'Ny Zanany, Jesosy Kristy, tamin'ny alàlan'ny herin'Ny Fanatrehany sy ny Tenin'Andriamanitra. Anao izy ireo, Ray. Atolotro Anao izy ireo, amin'ny Anaran'i Jesosy Kristy; ary takiako ny aina tsirairay, ny aina tsirairay izay mitsangana eto. Voaray ny fiaikena tsirairay, voavela ny fahotana tsirairay.

<sup>223</sup> Ary ny olona rehetra izay mitsangana eto, izaho—izaho—mivavaka aho mba ny herin'ny Fanahy Masina ao amin'izy ireo, no hanatanteraka, hanao izay mahitsy, hanampy azy ireo ao amin'ity ora maizina izay misy an'izao tontolo izao feno famirapiratana ity. Ary, O Andriamanitra, ampio aho rahampitso hariva, mba—mba hitondra an'izany madio sy mazava ho azy ireo, Tompo; ka avotsory hiala amin'ny famirapiratan'ity izao tontolo izao ity, mba ahafahan'izy ireo ho vonona hitsena an'i Kristy amin'ny fotoan'Ny Fihaviany. Ekeo izany, Ray. Mino Anao izahay ankehitriny.

Ary raha mbola manondrika ny lohantsika isika.

<sup>224</sup> Ny tsirairay avy aminareo izay mitsangana, tsy mino aho fa tonga te-hahafanta-javatra ianareo, satria tonga teo ambanin'ny fitoriana Filazantsara henjana, mafy, mandidy ianareo. Fa mino ianareo fa Jesosy no nilaza hoe, “Tsy misy olona mahay manatona Ahy raha tsy Ny Raiko no mitarika azy, ary izay rehetra nomen'ny Ray Ahy no hanatona.” Ankehitriny dia Tenin'Andriamanitra iray voamarina izany. Niteny tamin'i Abrahama Izzy, nampanantena Izzy ary nianiana tamin'ny fianianana, ary indro ianareo nandre ny Feon'Andriamanitra izao hariva izao ka tonga teo ambonin'ireo fototra ireo. Tsy maintsy voavela ianareo! Ary manaiky an'izany ianareo rehetra ary mino fa mamela anareo amin'ny fahadisoanareo Andriamanitra, ka manomboka amin'ity hariva ity, nohon'ny fahasoavan'Andriamanitra, dia hiaina ho Azy ianareo amin'ny sisamihety fiainanareo, ka hanao ny zavatra rehetra izay ampiaranin'ity Baiboly ity mba hataonareo, ary mino ianareo fa Andriamanitra no manome anareo ny fahasoavana hanaovana an'izany ankehitriny, amin'ny famelàna ny lasanareo; atsangano ny tånanareo, manaova hoe, “Mino an'izany amin'ny foko rehetra aho.” Andriamanitra hitahy anareo.

<sup>225</sup> Ianareo Kristiana rehetra eo izay mirehareha ny amin'izy ireo, manaova hoe, "Deraina Andriamanitra, ny amin'izy ireo!" [Hoy ny fiangonana hoe, "Deraina Andriamanitra, ny amin'izy ireo!"—Mpand.] Ndao lazantsika indray izany. "Deraina Andriamanitra, ny amin'izy ireo!"

Ndao isika hitsangana ankehitriny, ny olona rehetra. Mila naoty iray aho an'ny:

Tiako Izy, tiako Izy  
 Satria nitia ahy mialoha Izy  
 Ka nividy ny famonjeko  
 Teo Kalvary.

<sup>226</sup> Ndao isika rehetra miaraka ankehitriny, ny olona rehetra mihira an'izany miaraka amin'ny tànantsika mitsangana. Eny àry.

Tiako Izy, tiako Izy  
 Satria nitia ahy mialoha Izy  
 Ka nividy ny famonjeko  
 Teo amin'ny hazon'i Kalvary.

<sup>227</sup> Tsy mahatsapa ho tena voakosoka ve ianareo? Tsy karazan'ny manadio anareo ve ny Teny ka manao anareo ho tsaratsara kokoa? Sa tsy izany?

<sup>228</sup> Tsy mino ahy ho—ho—ho sandoka iray ianareo, sa tsy izany? Mino ahy ho ny Fahamarinana ve ianareo? [Hoy ny fiangonana hoe, "Amena!"—Mpand.]

<sup>229</sup> Mandinika an'io Anjelin'ny Tompo io aho ankehitriny Izay dinihiko eo ambonin'ny olona, mihodinkodina manodidina an'ity vondrona izay mitsangana eto ity mihitsy amin'ny endrika hazo fijaliana. Andriamanitra any An-danitra! Ilay sary iray ihany izay ianareo... Anjely izay hitanareo eo amin'io sary io, dia eto mihitsy izao ankehitriny izao eo ambonin'ity vondron'olona ity, mihetsika manodidina mihitsy, manohy mandinika Azy aho, mitety toerana. Izaho dia mino, mihitsy aza, fa ny aretina rehetra izay mitsangana ao amin'io vahoaka betsaka io dia lasa. Izaho—mino an'izany amin'ny foko rehetra aho, fa voavela ny fahotana tsirairay.

<sup>230</sup> Ndao fotsiny isika—ndao fotsiny isika hifandray tànana raha mbola mihira isika hoe "Tiako Izy."

Izaho . . .

Manaova hoe, "Deraina ny Tompo!" [Hoy ny fiangonana hoe, "Deraina ny Tompo!"—Mpand.]

. . . tiako Izy, tiako Izy  
 Satria nitia ahy mialoha Izy  
 Ka nividy ny famonjeko  
 Teo amin'ny hazon'i Kalvary.

<sup>231</sup> Ankehitriny dia ndao fotsiny isika hidera Azy, manaoval hoe,  
“Deraina ny Tompo! Misaotra Anao, Tompo Jesosy.”

Misaotra Anao izahay, Tompo, nohon’ny fampidirana ny olona, ho an’Ny Teninao. Mandidy tahaka ny sabatra roa lela Izany, saingy mamantatra an’ireo eritrerity ny fo Izany. Manome antoka Izany. Mamora an’izao tontolo izao Izany, ilay nofo, ireo zavatr’izao tontolo izao hiala amin’ny olona, ka manao azy ireo ho olom-baovao ao amin’i Kristy. Toy ny ahoana no isaoranay Anao, Ray! Midera Anao amin’ny fonay rehetra izahay. Misaotra Anao ny amin’izy ireo, Tompo. Enga anie ho feno ny Fanahy izy ireo! Enga anie ny Fanahy Masina handray azy ireo ao amin’ny Fifehezany, ka enga anie hivoaka ny fifohazana iray amin’ny fanao fahiny eo anivon’ireto fiangonana ireto, Tompo, izay hiparitaka manerana ny vondrom-piaraha-monina rehetra, harehitry ny herin’Andriamanitra hatraiza hatraiza. Andefaso tena Pentekosta izahay, Tompo, tena herin’ny Fanahy hiverina ao amin’ny fiainan’ny olona. Ekeo izany, Ray.

<sup>232</sup> Anao izy ireo. Nohon’ny fahasoavan’Andriamanitra, dia Anao izy ireo. Taranak’i Abrahama izy ireo, araka ny teny fikasana. Ekeo izany, Tompo. Mino Ny Teninao izy ireo; ny zavatra rehetra mifanohitra, dia toy ny tsy nisy izany. Mino ny Teny izy ireo satria Taranak’i Abrahama. Anao izy ireo, Ray, Fiangonana voafidy mialoha mba hamiratra amin’ny andro farany. Misaotra Anao, Ray, ny amin’izy ireo.

Tiako Izy . . .

Atsangano ny tanganareo ankehitriny amin’ny fiderana Azy.

Izaho . . .

Ny eny ambony rihana! Marina izany.

Satria nitia ahy mialoha Izy

Ka . . .



*JEHOVAH-JIRE* <sup>1</sup> MAG62-0705

(Jehovah-Jireh <sup>1</sup>)

ANDIAN'NY JEHOVAH-JIRE

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alakamisy hariva, 5 Jolay, 1962, tao amin'ny Municipal Auditorium ao Grass Valley, California, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2022 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)

## Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)